

虛谷相江續集卷第十八

全宋詩卷一百一十五 紫陽 方 田 一 萬里



過秀州城東

海邑疏囚昔此過
鳴柳未了天漁歌
重來野色秋如許
似覺人家舊更多
晴日茅簷橫曬布
水田竹架倒并禾
吳儂苟且度饑歲
焉得官廩吏不苛

三畫 下 將至魏塘鎮

客路晴為最
舟行穩似車
矢形環澤國
秋色畫田家
未用
伶霜草猶時
見水花
鴈過知已近
鵲語故微譁

水滸 為魏塘王居士留三日二首 文政

水鄉熟處未全飢舟楫安行盜亦稀乘興聊為三日客魏
塘酒賤蟹螯肥
魏塘酒賤蟹螯肥久要人情忍重違呼妓訪僧俱不必醉
三晝夜可言歸

曉發秀州城南

較似蘇湖郡無山四渺然近城先見塔出戶即乘船曉澤
升紅日秋光際碧天稻梁無不足最憶舊豐年

漁家

全家居小艇面色總成黧何事偏多子平生僅一妻螺羹
兼蜆肉稗粥和菰糲細省莊周語逍遙理未齊

復過臨平

岸上頻呼唱船中劇蕩搖倒桅將過市落率為逢橋斷
非義卦漁榔即舜韶客愁元歷々詩思亦飄々

過許村

長安才上堰風物似微饒野老能相認輕船不待招炊菱
開甌熟秤腳滿盞跳偶有樽中物何為靳一澆

會鶴臞鄭高士真一庵為予寫神走筆賦雜言

我不羨渠乘大馬食肥肉我不羨渠寢細氈居華屋富貴
兩字輸與渠奈渠未免一字俗我有詩腸如月朗三秋我
有酒腸如海吞百瀆西湖之水足供酒一杯西湖之山可

作詩千幅羽客寫我醉吟意雪為長髯電為目豈知天上
三台星焉用人間九州督仕宦不達坐多言老衰未死緣
寡欲眉毛及鬚尚如漆此為壽相萬事足莫嫌不智又無
福寧當忍窮勿受辱氣豪未減天外鴻神清差似霜前菊
有人指點問為誰云是紫陽方虛谷欲求我者南山之南
北山之北

鄭無貳和予雜言有緣督之句用韻謝之

可食不必駝峯肉可居不必鵝尾屋竹籬菜羹人得知此
中有士足不俗東里先生癯似鶴開門不受童蒙瀆七絃
琴外碁一枰七星冠上巾一幅忽然一日紫陽虛叟來暫

肯朦朧開睡日朝聞客子代猿侯暮見河陽誅汧督居然
鵬鷗自不齊孰謂熊魚俱所欲平生此老查人嫉若讎至
此方知夢一足無心敢徹失馬福勿用小榮包大辱富見
貴公百花盡吾曹冷落如殘菊君不見老氏故書教我云
守雌守黑為谿谷會當訪公更謀一大醉幕天席地軒臥
無南北

次韻贈仇仁近

如池之酒如林肉不與寒士作厦屋馬畜彌山金滿堂此
但可以駭愚俗得時引類上雲霄失勢舉族嗔溝瀆曾不
若仇翁方叟兩窮交相與坦蕩忘邊幅知我無錢借書今

我與至今市井小兒相指目嗟今之人我未識可魯陽虎
宋華督屈心抑志諒未能及物濟人非不欲古人曾次一
相知劉文叔忘其腹嚴子陵忘其足後之君子莫若自求
福考葉遜肥遠匪辱擅道濟號為萬里之長城何以陶元
亮醉卧一籬菊厄途所至太行坂深坑莫測沃焦谷我將
歸光紫陽山尚恐烏大夫之馬幣聘温生洛之南聘石生
洛之北

次前韻述將歸

我雖無絲無竹亦無肉猶有杜子美萬卷書猶有陸士衡
三間屋作詩寧作郊島之寒瘦終不屑元輕而白俗文章

雜在衆人中大似濁河橫濟瀆平生浪費幾吟牋何啻右
軍九萬幅既嘗注漆園之十九言又頗擬粟里之四入目
道眼一照百皆妄未若奴耕婢織躬課督江湖落魄但欠
一歸耳休官已幸天從欲子男女七孫四人有菜共羹吾
亦足過此更微非妄福政恐招夏復招辱宅門夏蔭雙高
相園徑秋香萬叢菊於是自歌招隱歌歌曰鶴怨猿驚兮
在空谷四十餘年萍蓬將七十又何必越之南燕之北

十月初六日同仇仁近至王子由庵遂飲白雲

李居士宅書事

初上吳山北遂過吳山南茂樹悉剪薙餘石空峽巖向來

華屋處十不存二三忽如入壺天偶得羽人庵閱盡有遠
意評詩無俗談背湖萬松嶺面江三茅觀人煙向如織今
者篁竹半獵士捕乳虎伏弩行者斷野獸出城市白晝無
忌憚昨僅獲其一此事可三嘆誰家有幽居下瞰煙雲州
西極夕陽外東窮滄海頭一覽不欲盡翠樹蓄其樓主人
雅好事置酒更獻酬禹穴渺何許指視令人愁酒中泛酥
椒酒味彌芳烈菓蔬無不佳霜螯風味絕卜夜意未闌醉
歸步微月人生了一日世故劇瑣屑窮達不足云興亡詎
須說

見李提學景安所知詩次韻

南來籍、已聲先遙挹清揚意謂然果見新詩金擲地始
知餘子管窺天三書光範門前拜一斗長安市上眠舊日
猖狂俱已矣輸君銜鑑政高懸

題仇仁近白駒詩圖趙子昂畫及書

至潔不見取此責自有人繫維幸不及遜野醉自珍上下
不相求於中歌者頌歌者誠愛賢、者亦愛身

次韻李景安提學同過伯幾

萬卷芸香擁燕居客來談論洵淮湖精言琴律根前輩朗
誦詩篇歷老夫昏謂買鄰遷爽塏祇應負郭欠膏腴真能
隱處非難事恐有天邊尺一呼

官學因之當卜居定能騎舫遍林湖遺編早已探千古緒
論何難奪萬夫近日人才愁聞寂此君風味極芳腴香山
老子閑無事張丈殷兄或許呼

同伯幾過張子範子周兄弟園池銘錫

堂上琴書間鼎彝簷前金鯽映水池園林花未初容見家
世衣冠便可知熟識二難俱好事偶來兩客各能詩一時
觸目多佳思爛醉如泥竟未奇

何處消除半日閑看朱成碧夜扶還定知此意風塵表能
致吾曹水竹間孝友門闈佳子弟承平人物舊湖山飲多
過量成詩緩酒醒思之亦厚顏

留題樂隱高士王子由書齋

萬宇橫陳碧瓦齊濃嵐淡靄總詩題隔江煙樹窓中細過
海風檣檻外低琴僅可絃星半缺壁應欲盡雪新泥南華
卧讀兩三卷猶喜晴簷日未西

次韻仇仁近題王子由隱居

涼窻暑却扇燠閣寒謝裘主人一不允永無俗客遊地高
山使然十倍百尺接人品似更高不識王公侯是中郎洞
天何所復崑丘靈府能自超玄閨元不幽染腴匪道味涉
累非仙流最靜保此室毫髮不外求有書亦時讀一日喻
千秋

頻至子由書齋追記遊事

行山稍已倦，徑作坦腹卧。茗至即仰吸，即復起端坐。拓窓
眼豁然如見天，宇大金碧何太麗。玉雪不受晚，向來晏秦
人魂兮復誰此，積沙東西移。怒潮日夜簸，煙表越樹細。雲
端海鵲過，人生僅如尺。倏忽分寸挫，萬古一悲歌。悲歌孰
予和。

仇仁近之姑蘇別後奉寄

詩眼到姑蘇，今愁古恨俱。臺驚吳後鹿，江問晉時鱸。矯奪
風應息，懷衰氣未甦。梅邊早迴首，飛鶴望林逋。

白雲李處士於大樗下築小庵用題王子由書

齋韻賦之

天地元知一指齊，樗庵小小架椽題。故應懶散身常健，孰
謂昂藏意未低。神氣自調丹鼎火，僊班不藉紫芝泥。落成
此老來酣飲，酬爵端容據席西。

白雲山房次韻馬道士虛中三首

閑愁不斷連天遠，濁醪快似并州翦。興亡得喪橫胸中，冰
消雪釋春風轉。我本不學抱朴翁，何修致此丹砂容。服食
呼吸能還童，不如但飲瑠璃鍾。寶蓮山南屢簪聚，醉鄉不
省歸來處。東鄰西舍姓名誰，但記門前大樗樹。
意所欲往路無遠，暖韭早梅政堪剪。相逢不少酒，一盃大

勝能成丹九轉爭席者誰斯
新翁何至帖奉魚軍容我一
山僕君一童亦無娥眉間歌
鐘忽如雲散條洋聚無何有
鄉是歸處寄聲為謝黃面仙
焉用七重圍寶樹
霜淨天空心共遠一縷遊絲
無可翦欲識人間真道人眼
近紅塵念頭轉歷歷落落一
禿翁取教過多邛曼容從今
教子為牧童豈復敢望銘鼎
鐘開朋冷友時相聚方寸不
無暗合處谷神玄牝要深知
釣竿須拂珊瑚樹

次前韻將歸隱黃山

我家黃山百里遠兩峰挿天
翠如翮歸心久落故溪雲拖
轉不由舡不轉采茶斲藥呼
鄰翁藉草地寬何不容挾兔
園冊教兒童菜飽無異祿萬
鍾底須太史占星聚世人尋
覓無知處海內故人脫相思
江東渭北空雲樹

追次仇仁近韻謾成三首

儒冠誰使著何至動言貧此
事須吾黨相期到古人衰顏
猶可鏡短髮僅堪巾舉世無
知者孤燈夜獨親
卧思身世事無夜不更深脫
難泐登岸逃名影就陰樽中
醉魯酒弦外自陶琴詩就誰
能賞徒勞太古吟
風雲乘變化微賤忽公孤內
足窮過達多求智迂愚談鋒
摧衍爽筆陣掃孫吳時彥當
如此吾歸釣雪鱸

送杜景齊歸平陽二首

每憶東甌郡柑花入夢香市人無素服田婦亦紅粧蠶蠹
豐漁戶犀珠聚縵商年登猶足樂何必殫錢塘
君住平陽縣無家不讀書計偕今已廢師授未應疎兵草
崩騰後衣冠喪蕩餘別懷似難寫吾道竟何如

贈徐瓢翁字二首

碧眸冰齒壽眉厖誰識前朝老雪江指下七弦今第一毫
端行法更難雙向來屢獲觀詩卷恨不相從倒酒缸深愧
後期似圮下雲間幾度拓吟窓

君屢於李白雲王碧
隱山房候予不至

六十年前欲冠時江湖聲價已颺馳四靈在昔三曾識入
衰于今有可期多難漸驚前輩盡老懷那許後人知何當

琴酒燈窓夜莫說興亡但說詩

丁亥十一月初八日南至二首

閑客何庸早起忙高眠懶復問雲祥宦情不作葭灰動吟
筆寧爭繡線長逆旅四年逢此節徒行六日可吾鄉衝風
踏雪頭歸去薺菜肥甜白酒香

涉險騎危一紀強四驚陽復寓錢塘山深黥歛生涯薄水
溢蘇湖歲事荒暫遣歸寧憐小婢尚遲絕少撫諸郎官壺
豈似無灰酒有客携來亦盡觴

平史非一至後有感

秋來意欲過江東建子侵尋月已中晴日久之今雪作老

夫於此豈途窮未嫌江泌衣生虱尚許嵇康目送鴻可怪
平生非一事無勞咄咄漫書空

喜雪

寒空雨止暫霏微積漸隨風散亂飛夜氣直能欺毯纈晨
光不待啟牕扉兒童踴躍歡聲起烏雀推藏過翼稀想見
竹梢亞梅處家人掃徑望予歸

雪中憶昔五首

丙辰雪天遊湖歌晁無咎摸魚兒今三十二
年乃後亦往來不一所以興懷

憶昔浮蛆醉玉醅天寒一日飲千杯危樓擁妓臨晴雪聯

馬呼僧認野梅豈料暮年奴敗絮尚容永夜畫殘灰問閣
幸脫干戈死落魄佯狂自可哀

憶昔繁華侶俊遊寧知後死挂閑愁無人復唱魚兒曲何

處重尋燕子樓張敞空思前漢尹邵平誰識故秦侯定應

冥漢猶遺恨蕺節瓜犀啟夜丘魏京尹墓亦為盜所發

憶昔華年氣似雲雪湖終日醉醺醺室家未有兒和女賓

主相忘我與君豈信亂離生白髮猶思歌笑調紅裙扁舟

一問桃源路治亂當時自此分予三十一歲丁巳始生女
時相當國戊午相丁予

從魏尹如武
陵世事頓異

憶昔凌晨泛雪湖明天淨地一塵無畧聞倩盼歌金縷盡

聳清揚倒玉壺屢造廟朝終損逐偶登名第自囚拘即今
忍索梅花笑死從流離足嘆吁

憶昔湖天雪最奇畫船朝出暮歸遲忍寒賞竹憐高節踏
濕尋梅致好枝熟醉何嘗知病酒狂吟所至動成詩襍
凍雀今相似心欲高飛翅已垂

寒夜

薪粲常相迫衾裘本自單至分驚寒改去住覺俱難愁與
思妨寐霜兼雪倍寒百年誰不盡一夕獨堪歎

寒朝

甚欲常晴日何堪復暗雲樹寒禽縮項雨凍瓦成紋歸路

非嫌溽行庖豈厭葷獨能知此意朝鏡白紛紛

十一月十四夜聽雨為霰聽霰為雪久之雪復
為驟雨自昏達旦無寐

雨聲更霰雪昏聽達清晨自笑能吟客常為不寐人絮寒
勤拭涕簣響懼翻身若語知誰會應堪泣鬼神

過李景安論詩為作長句

三百年來工五七追雅媿騷誰第一獨聞彭城凍正字向
來得法金華伯終古不朽語言在以詩教人人不識善學
少陵而不為殆如孟子不言易世人往往談神僊便欲掉
翅登青天邀尋道士學服餌朝呼暮吸夜煉煎換骨一語

曾未悟未辨黃庭脩內丹俗流無骨但有肉蝦蟆敢競驪
龍先姚人許渾精儷偶青必對紅花對柳兒童做之易不
難形則肖矣神何有求之雕刻繪畫間鴟乃類鷲虎勝狗
由陳入黃據杜壇當知掬水月在手後生可畏常聞之君
友何人師者誰雙井白門浣花脈實字用正虛用奇齋輪
袍曲異箏笛藐姑射姿無粉脂梯危磴絕不可近尚有簡
齋橫一枝

十一月十五日

倏忽何庸詰參差未易齊樹枯元不死雪盡竟為泥豈謂
身絕老從來意欲西一窮寧肯立九殞未頭低

十一月十五夜

竟與鰥魚似無由濁蟻持百為元有命一往復何疑殘夢
終難續深夏暗自知隣雞夜啼急吾亦憶吾兒

得存心書訢貧

務得終多懼圖全敢歎窮懶能爭口腹差覺負兒童客久
叢咨怨年衰絕變通雲臺少馮衍未必盡人雄

再讀存心書

每報家書至心如喜懼何欲開疑有故已讀幸無它典粥
貨財罄寒飢幼稚多哀門真可歎兩世誤儒科

次韻景安提學謾成三首

敢看尋常白眼看，壑冰峰雪照人寒。言詩已是登壇將，勸學聊為祭酒官。士類相推無異論，親顏遙覺有餘歡。即今人物皆公等，豈不憂時意稍寬。

毫釐俗事不留情，詩律崢嶸骨格清。初僅傳聞心已服，每當展玩眼尤明。笑談天使千軍掃，移幹真能九鼎輕。馬得夜繁對吟影，同聽急雪打牕聲。

歲晚江空野沈寥，衝寒訪我不辭遙。褰裳却馬從泥濘，掬水烹茶待雪消。百戰奚為蝼左角，一炊未辦米長腰。尋梅端許忘車笠，握手城西過六橋。

景安錄示舊雪詩擬簡齋走筆賦所感奉謝

名都十萬戶，擁貂者為誰。一二連官外，絮纒或無之。南雪壓瘴癘，此事不可遲。宴人既云衆，速霽斯為宜。天公作惡劇，十日韜晴曦。平地尺未已，塞門溼塗歧。少年未更事，駭謂如此奇。危登或深及，一酣傾百危。今年老更窮，客爐擁庭羸。稍稍穴牕隙，縮首畧一窺。未卜麩麥王，但憫烏鳥飢。大兒寄書來，土凍菜本萎。歸家煮荒薺，一飽亦肉糜。寧當臥袁安，何用訪戴逵。谷云有故人，貽我幼婦詞。未妨三十韻，一酬帶間詩。

次韻景安吳山觀雪

盡洗眼底塵，頓寬胸中憂。此雪端為誰，奇哉君之遊。平步

飛鳥背長嘯孤峯頭恍惚聞風苑嫖姚結隣棲了不異天
上培塿視九州北方當此時如蠟縮馬牛南方幸不然但
覺瑞彩浮晴日一以出壯觀挽不留作急着妙句小費靈
府謀老夫儻可從亦足祛窮愁九骨絕僊分勝覽輸高流
乃後有佳集次第或見收水解燒痕青問梅孤山幽

雪中俞仲因寄詩見懷次韻

客囊單乏去途悠欲詣高人未有由如許江山明霽雪與
誰詩酒共危樓忽驚天外來雙鯉自笑人間寄一鷗舟滯
楫膠肯予相官河水解即乘流

留杭近三年得去賦不可不出城

不可不出城碩軀百無病不可不出城老眼亦何淨第一
脫俗塵最便於野性第二井不鹹所至水可飲第三魚價
賤第四酒味勝第五無火驚第六無燈禁第七航舡歌款
乃亦可聽爾曹居城中小屋如敗甑臭穢之所蒸面、環
廁圍五更聞夜鼓骨肉付煙燼巧偽以為生語無一可信
婦女孤媚繁商賈狙詐競天下不皆然杭城為特甚我今
才出城七美一朝併眺望心神清眠卧魂魄定空濶水雲
間孰謂雪風勁寄語城中人何時免闔扉不可不出城所
以發蘇詠

泊赤岸微曉

今年夏雨水浙右歲事失五月客杭城市民幾不粒逮乎
書雲前稍稍喜晴色轉手又不然一雪二十日豈止閭巷
窮大半缺衣食我窮尤自笑亦嘗二千石今如故將軍俗
眼不見識下舟北閩壞泥水何狼籍離披一破傘控杭兩
敗屐俗諺兩夾雪未易得休息大雪復大雨造物詎容詰
拖師所見賃修廣僅數尺而我九五人臥處殊太窄初過
臯亭山岳近臨平驛有酒二三壺聊以慰僕慚吁嗟歲云
暮何苦事行役馬援壯志已旣籍窮途迫永夜不復眠孤
蓬滴復滴天地豈不大一葉寄茲夕

下長安堰

已雪又復雨天寒行路難船中寒尚可未若堰頭寒已雨
又欲壘泥深行路迷岸邊泥尚可未若堰頭泥官舡買舡
踰十丈終日牽攀僅能上小船不闊五尺者大船塞之不
容下堰夫慣見甘途汙軸膠纜斷相號呼得錢贍家計未
愚不惜身如牛與猪人生劣可足衣食何必求此堰頭立

泊崇德縣曉作

岼上馬蹄響縣中更鼓清蓬背雨亦止意當明旦晴夢記
所泊處喬木枯崢嶸天色果開否浩々唯風聲篙師夜先
起船尾燈火明苦寒未可發婦為治飧烹咀嚼似有味宿
昔餘蔬羹人世如此耳役役一飯營負販規貨利干祿求

榮名斯人以家浮止爾了一生大者據疆土以國相攻爭
至微若蝼蟻行陣有戰征我卧思此事究竟終何成頑僕
情無知鼻息如雷鳴

過嘉興道中接待寺丁丑十二月赴建揚州遇
雪留宿愴然有感

疇昔留此寺亦莽臘雪天天寒了不異俛仰十一年是時
尚守郡赴建趨淮壖不知生何事自省無尤愆家有屋幾
間亦有數頃田書生未甚窮不憂無酒錢事白夏至秋然
後得南旋即今身自由幸已不屬官客貧一物無駕此如
葉船四僕色常飢况望酬與羶家人九霄外何由致橐餽

豈不亦念我逢麴流饒涎我非不欲仕危途畏濟顛勢雖
已窘迫心終無憂煎新歲六十二白髮被兩肩尚堪屈此
膝跪起貴要前訪舊匪得已誰當佐腰纏冠日可以歸小
俟春牛觀

永樂沽酒

大寒豈可無杯酒欲致多恨未能楮幣破怪指一券瓦
壺絕少約三升村沽太薄今如水凍面微温尚帶水囊僕
篙工英相訝向未曾有肉如陵

泊嘉興城北門外

老病今如許江湖豈所宜未妨寧過計不是故多疑歉歲

真難度姦人或見窺移舟入城泊何敢強違時

聞舟人既畏寒復畏盜

縹緲凌空一葉舟開蓬端類管窺天千林盡赭當寒月萬
室俱朽更儉年未必風饕真墮指其如草竊正垂涎瓶梅
斗汲山齋夜曷不歸歟枕石眠

觀岸樹

行舟觀岸樹意若有不足豈惟裡柳楊亦頗間篁竹猥瑣
匪大材誰謂真不曲北風稍向南南風稍向北弱質不自
由隨風作反覆我家有喬松似是千歲木下無_藤蘿纏上
無禽鳥宿清陰蔭百畝毅然立於獨入風吹不動矧肯變

寒燠是可託吾廬隱居於此下焉能江湖間浪與此輩逐

驛馬嘆

鐵陣突萬人受駕行九軌聖門稱其德成功亦云偉嗟爾
驛騎者售身墮泥澤朝才南一程夕又北百里鞭走不暫
停脊背作瘡疔爾生既無知爾死然後已蓋車未為甚敵
惟無復擬惟人役萬物致用斯為美用之失其所益此即
損彼服牛利播種鑿龜卜休徵牛龜何不幸為人謀何矣
釋氏欲無生厥意殆見此奈何說輪迴眩俗茲譎說人畜
互相為萬々無此理皮毛受困苦王侯享華侈謂皆前世
事夙業之所使我獨謂天性豈各私一己生圓形骸間死

散虛空裏性同質不同竄易鳥有是愛人而愛物人當近
仁耳使其一不愛何惜一馬死我賦驛馬篇歌哀有深旨

大風寒微晴

窮旅寬愁思嚴寒作淡晴終須開日色何可欠風聲地白
猶含凍天青漸放明吳門稍和暖應有故人迎

大雪泊平望買酒戲書

天若不產綿世多凍死民世若不釀酒亦復愁殺人凍面
無人色泊舟下塘側綿衣既云薄酒亦何可得妙絕少陵
白舟重欲無聞袖手復縮脚意終思一醺試一問篙工酒
自此間有奈何泥滑滑寸步未易取不恨衣綿少但愁無

酒錢能將錢致酒即是衣添綿忍凍至於此猶喜肆嘲弄
此雪遂大作不凍復誰凍

書所見

春風元在眼雪定不難消凍祀垂紅子晴甍動綠苗行人
相叫喚旅鴈忽驚飄古柱鏤年號承平舊石橋

小長橋書事

似覺晴光稍不同天成奇句與衰翁雪泮死草芽先綠冰
浴新鵝掌倍紅荏苒客途驚歲暮涼家事憶江東小長
橋畔誰知許一棹孤舟萬籟風

太湖觀雪

平生不信有昇天今日臨風似欲仙海內百年詩客眼雪中一葉太湖船綿、草樹漁汀遠續、茅茨野屋偏定是丹青不能畫一澆殊欠酒如泉暮暮流沙雪動石東山是步雪過長橋太湖三萬八千頃物色分明為我饒風急落帆臨古塔雪深着屐渡長橋一蓑減沒漁家樂數字歌斜雁路遙小立忍寒不能去百年壯觀盡今朝

晴過常州

雪霜何太盛寒意極今年紅早迎初日青還見舊天晴光
明草屋煖力破水田堰路應無礙頗、問過船

洛社曉行

船搖不能卧起問夜如何煜煜明隣火遙遙起暗歌暖知
殘雪盡晴見大星多良喜前程穩無風水不波

丹陽道中大雪

輕舡搖兀涕垂頤我見人舡更謂奇瑣細穿蓬仍急舞迷
漫渡水故斜吹孤村茅屋炊煙絕匹馬氈衫凍僕隨此是
老夫有聲畫丹陽道上雪天詩

奔牛呂城過堰甚難

君不見奔牛呂城古堰頭南人北人千百舟爭車奪纜塞
堰道但未殺人春戈矛南人軍行欺百姓北人官行氣尤

盛龍庭貴種西域買更敢與渠爭性命叱咤暗鳴憑氣力
大挺長鞭肆塵擊水泥滑、雪漫天歐人見血推人溺兵
見愚癡極可憐買航貨客逃飢年航小伏岸不得進堰吏
叫怒需堰錢人間官府全若無弱者殆為強者屠強愈得
志弱惟死無州無縣不如此

阻雪留丹陽苦寒

雪沒無行路風吹欲倒人豈堪猶作客忍負不貸身似水
驚衣被如金議炭薪從來無許冷此際豈宜貧

丹陽苦寒再賦

凍雪猶凝滯陰風欲怒號樹梢棲鳥墮船底積冰膠孰匪

焦光室誰能范叔袍竟無霑醉策足與苦寒塵

留丹陽三日苦寒戲為短歌

自從書雲入嘉平一月間無三日晴大雪二十五六日漫
天塞地冰崢嶸吳江渡橋意頗快呂城爭堰心還驚丹陽
古縣暮落牽凍人欲死無人行直投孤店風更緊燃草不
煙燈滅影北入下馬驚相問自古江南無此冷求薪不可
炭更難僕御告餒衾稠單我生南土六十二自古江南無
此寒卧不脫衣袍帶斷濕靴破襪泥袴綻焉得聞人呵手
縫可向誰家借針線船路不通驛路泥田闌家戶如雞栖
推車荷擔喚不去寧煨藁結息糠糶可以我而返不如乾

坤浩蕩歲云暮豈無推爐畫灰處焉用遑遑問征路

喜晴行

漂零蹤迹客囊空迅駛光陰歲律窮野次忽驚三夜雪
端初住五更風斗杓南指天猶黑海氣東昇日已紅稍借
暗光動揚柳歸心貴復後春鴻

白土道中

雪後江南路新晴野日濃車輿通旅客籬落聚村僮漸解
泥乾土未鬆吾家有春酒歸斲故園菘

夜宿白土市

雪路岡泥滑無過亦緩行丹陽朝冒凍白土暮逢晴俗織

紗為業村市酒有名販商非我事一醉客心驚

過句容縣

王氣金陵宅僊家句曲山興衰頗近掌寒燠互循環雪沒
陂塘裏春生花樹間頗聞糝羊美無酒破愁顏

建康道中

土入江東厚民方浙右醇疎松岡路聖晴麥野田春往事
更離亂哀年厭苦辛興亡不須歎請看石麒麟

次韻許太初見贈神元二首

相逢未覺道途難把酒論詩數夕間磊落曾襟開古誼從
容色笑借和顏長年役役魚千里未俗悠悠虎九閩賴是

同鄉復同味一寒如此遽春還
風燈雪屋話艱難各喜詩成咳唾間
早幸淵騫同關里終
當園季隱商山草玄執戟空投閣
枕麴參軍善閉關祇恐
傍人足嘲訝如泥爛醉不知還

贈江東李提學浩

小難和氣如三春大難色瑩清無塵
小難作詩到聖處火
難更自髯絕倫天憐今年窮已極
稍慰蒹葭霜露身惡風
劇雪走千里一識頓有西玉人
西岡李氏自五代新捧作
尉金沙津神堯之子太宗弟
鄭王枝葉元至親衣冠不絕
七百歲至今寶藏唐誥綸
吾家秋崖與題跋樂石刻玉高

嶙峋龍準子孫鴻鴈行
髣髴猶見青蓮真江東浙右喬木
國小却管領儒箬紳雅哀風息
離騷降邇來此道尤荆榛
少陵一老擅古今學所從
入須黃陳後世口耳逐世好九
苞一角誰鳳麟君家兄弟名驟起
傳者驚嘆筆有神門第
既已推第一人品學問俱不群
嗚呼宇宙之大我輩未嘗
少高歌一曲吾氣其庶伸

寄許太初并序

十一月二十八日行七里八岡泥甚
至句容
不勝責予不縣為店嫗所詈夜宿無床
二撓一瓊危坐終
夕二十九日歲除寄許太初一笑

憶昨與君同榻時，奇溫疊重我豹皮。醉卧嘔吐汚茵帳，君
不諗責予不知一。從建康出城去，七里八岡泥涉路。一步
一滑不可度，始復思君寢處處。幸有荀興猶得乘，其實不
勝其戰兢。白容破店無臥榻，一夜打坐如禪僧。老頑窮健
耐辛苦，地角天涯遠處所。客中知我何如人，店姬無賴肆
譏侮。嗟蛇六十二年身，明日又見新年春。祇應獨坐思鄉
客，猶勝狐征失路。

白容道中

波滿風初漾，林明雪未殘。路泥尤覺遠，野閣不勝寒。單過
開門少，村稀覓店難。忽逢新日色，久別喜相看。

過白土市

椒頰無聞不見儼，客途如此寂寥何。丙寅小運流年換，丁
亥當生本命過。白土市荒沽野釀，紫陽山遠夢吟窩。還家
要及春，猶早花滿千山笋滿坡。

歲除夜過白土市，不宿夜幾失道。田家地卧四

十韻

臘月廿九日丁亥之歲除，朝發白容縣，寒空晴色初。
晴信可喜，泥深猶尺餘。午憩白土市，暮指丹陽湖。未至四
十里，落彩沉金烏。泥晝尚可涉，泥夜何可踰。况乃岡坂間，
十步十盤紆。積雪五十日，凍塊始半甦。雪中間以雨，野溜

成溝渠埂塍或斷缺下有不測淤江南舊行役兩夫肩竹
輿與其一跌三不若捨而徒芒鞋既已着豈復惜衣裾黑
者為水潦白者為路途暗中相摸索前行後號呼右手拄
我杖左手一僕扶遠村坎坎鼓守歲以自娛荆棘莽蒼中
焉從造其廬前道忽還迂道遠店亦無求宿一農家地卧
用草鋪於此得偃息豈敢過有圖煖湯濯倦足濁酒斟浮
蛆意色默相賀天其念無辜幸無坑阱墮險不狼虎屠燈
下見異物非馬非騾驢藏牛于屋內云以避穿窬終夕噍
草聲去枕才起且從者各僵仆不異大與猪平生幾今夕
亦嘗分郡符軍府熾庭燎麗譙多門符賓客僕兵衛兒童
奉屠廩焉知窮且老狼狽逃村墟瘡痍腰脊破癢痛皮膚
枯大風鼓天地嘯鬼號鼉狐使其伏榛莽豈不戕厥軀遙
遙烏聊山有竹有琴書我故念我家兒女亦念予目睫竟
不交炯然如鰓魚曉行村一笑終夕空嗟吁作詩紀此事
異時示吾雛

戊子元日丹陽道中二首

夜卧田家牯犢傍晨興舂飯煮葱湯
既窮未覺英豪恥清苦應容壽命長
客路天晴聊可喜家園春動自難忘
已欣舊歲交新歲却向丹陽憶紫陽

軋、篋興獵曉霜孤征無復共叔觴
浮生物、身為累垂

老年年節是常稍聽村田喧鼓笛遙憐兒女欠衣裳於清
西上王干路苦憶茅柴白頭香

戲書旅况

垢癢頻搔蝨欠烘泥行草宿歎匆匆欲紉衣苦無針線每
煮羹難得菜葱險惡固宜防賊盜愚頑莫可怨奴僮閑人
况是身為客是事難將昔日同

正月初二日晴過常州

客裏三年問歲除毗陵歸路又正初自憐囊澁難沽酒猶
喜船寬可讀書草比舊痕青已倍雪成陳迹白無餘脫寒
就暖真奇事差覺窮途意氣舒

早風未順喜晴

數星猶自耿寒空海氣彌天曉日紅沒旺已無當路雪打
頭不過暫時風鄉情客思鴻飛外春色晴光鵲語中臨酒
對花猶健在誰云叟錄一哀翁

虛谷桐江續集卷第十九

紫陽方回北萬里

二月十一日曉發龍山風順

繁華銷歇市朝空此地何堪着固窮
久似坎蛙居井底忽如野鶴出籠中
宿醒夜解催花雨歸棹春乘上水風
及得清明到家否新芽茶綠牡丹紅

一泛浙江二首

不為潮從海上生元來水淺浪波平
屈曲盤旋舡百轉始知從古浙江名

海門山到富春山礧石衝沙水幾灣
不是此江故盤屈雪

濤何得託吳蛮
曉發富陽縣

長山礧石片帆斜
小雨初晴日眩沙
回首遙看富陽縣
青煙低罩一叢花

清江濯手
屬鏤憤氣已銷平
江入新安水至清
淨洗長安遮日手
更容塵土到冠纓

簡趙賓陽

書生豪俠味終酸
詩客顛狂骨本寒
趁就坦夷非不欲
屈蟠老硬亦良難
故將軍已編民伍
冷廣文猶齒學官
何處

濁醪謀一斗能來相送上
嚴灘

簡張中白

疇昔兵興豈料今
朱幡猶憶對青衿
棠郊自愧無遺愛
芹泮遙知有好音
練水招予歸舊隱
錦峯輸子擅清吟
豈無樽酒能娛客
黃浦門頭一再斟

黃浦門解纜有懷川無竭

舊守煩人送酒錢
江邊五夜泊歸舡
就中最憶南山好
一老癯僧伴醉顛

始暖

垢汗熏蒸蟻虱肥
花前未洗雪泥衣
到家兒女應相訝
四

載漂零僅一歸

別後

朋簪連日醉如泥別後臨流意自迷
語燕駐空相爾汝飛花吹岸各東西

江行大雨水漲五首

客路由來但喜晴山深何況更舟行
孤篷酒醒三更雨滴

碎愁腸是此聲

一夜水高丈五六移舟總傍漁家宿
磯頭浪急上灘難舟

子索錢賽神福

踏竿倒掛似飛猱水長舡行拂樹梢
忽訝平途成峻瀨更

憐危石沒深濤

何處岸頭漂大樹明朝水落閣平灘
村民爭剪為薪去萬

事從前預料難

舟行青谿道中八歎十二首

并序

睦州青谿本歙州歙縣之東鄉吾遠祖東漢

賢良方公儲墓在焉沂流而上湍石奇恠沈

約所謂新安江水至清是也睦改為嚴州歙

州改為徽州青溪縣改為淳安縣而歙縣獨

存漢時舊名

覆野春陰不肯晴舟中無酒亦無錫故教客子知寒食時

有梨花一樹明
立岸兒童看客過
人煙近處放牛多
萬株漫自我桑柘一
縷何曾織綺羅
乘時盜賊起風塵
戰血苔痕幾度春
古廟僅能存大樹
荒山猶自少行人
水錫^楊梢上欲綿飛
猶覺春寒未解圍
為怕江風吹客夢
舟篷缺處塞蓑衣

晚風微勁喜新晴
夜半船牕漏月明
卧看孤蓬搖水影
悠悠然枕上一詩成

夜寒如覺有猿吟
積翠重蒼萬壑深
下水輕舟弦脫箭
盤

山細路線穿針

刺桐花發草如藍
欲卸綿袍剪紵衫
一夜春霜恐如雪
江

南天氣不且蚕

野桃籬落鵲雙鳴
春曉微寒放嫩晴
汎掃松楸家已近
猶

餘七日是清明

花間預想到家時
笋蕨堆盤薦酒危
點檢兒童忝小學
招呼朋友說新詩

青谿元是歙東鄉
吾祖于時肯寶黃
避地江南結廬處
同

時隣舍有叢光

為方仙翁之祖
曰絃避王莽亂

蕨拳欲動茗抽芽
節近清明路近家
五日緩行三百里
夾

溪隨處有桃花

歙州民與睦州民比似吳兒大較貧為問山中有何好山中刺有讀書人

次韻劉元煒喜予還家携酒見訪三首

白紵烏紗巾久不見此客眉長耳有毫眸子秋水碧惠然
顧柴門坐對山氣夕荒蕪淵明徑寂寞子雲宅携酒意殊
厚細酌話宿昔袖中出新作闕鍵有闔闢五十始學詩定
復咲高適繫予骨相屯年年困行役里社何幸還尾君杖
屨跡苦辛厭奔馳憂患飽閱歷胃中萬不平一笑春冰釋
雙雞古侯騰拜賜書之策顧無明月珠何以報私覲

我其方玄英君可劉賓客年昏七旬近相對詩眼碧向來
每過從劇談動至夕久別坐何事蓬蒿翳荒宅歸舟落孤
帆曾未踰信昔空庾遲沉除野徑缺鋤闢便能致果饌共
此片時適萍氏寬征讖章甫復力役尚可卜孟隣未至削
孔跡飄芳漸紛紛晴嶽正歷歷此酒不快飲憂抱何由釋
但願長窮健縱無馬可策徒步頃刻間亦足奉良覲
死者已無知生者暫為客三年歸故廬松竹元自碧屢驚
山中人永卧泉下夕一二老朋友何處卜北宅近許太空
克舉許豫立獨君有壽相氣貌不異昔冷官故稍早良疇
程以忠皆卒焉從闢幽抱能自寬勝味各有適中守神既全外物至莫

役未悟如夢寐忽覺無痕跡眼明遠堪眺脚健險可歷萬
重煙霞間不乏仙由釋吾儕教老翁撰日散游策當有佳
詩篇付與來者觀

三月初五日同諸友自城南遊水西書事

步出城南門衣袂飄和風、中有花香不問紫與紅萬山
似無罅一水能自通插雲石色古噴雪淮聲雄夙聞長庚
伯來訪宣平翁想見峴巘間悠然支孤筇吾儕復此遊嘯
歌渡舟中未渡東望西既渡西眺東、西互眺望所至隨
不同乃知佳山水變態焉可窮犖确陔層巘茂密穿深叢
倉卒未暇往虛皇紫陽宮僧牕亦可人修竹攢青空足用

展極目遙天送歸鴻更有真趣泉一泓磨精銅隸扁故自

佳韻語亦大工

真趣二字司戶建安江璫隸書二絕句
嘉定壬申推官李宜節亦隸書皆佳

至

實識者少煙雨埋昏冦英氣決不泯定復月貫虹萬世永
無極百年俱有終為問羊叔子何如王無功晚生未聞道
邂逅華顛童酒酣詩不成歸途竟匆匆但苦嘲詆劇談鋒
森戰攻達人當兩忘一竹亡是公

三月十一日問政山次劉元暉韻

禊節去未遠是日天更朗微寒護餘芳春野綠渺莽爰從
峻嶺登豈殊茂林賞支策拄雲漢舉袖拂星象遐矚西眸
豁徐步一足往年邁忽臻茲時平猶憶曩譽竹談簞、吊

松色映青空，鶴鶴唳碧甃。蝸牛上龕金，窺扁額。簪玉觀
塑像，孰謂幽谷僻。有此殊庭，敞豪飲杯。滿清吟字，響
佳兒奉親老。高第事師長，考擊謝鐘鼓。傾寫竭瘼，益自可
作圖畫。未易絕夢想，吾家醱釀花。高深政堪仰，能來一中
之。勿待南廳爽。

次韻贈趙豈鄉應元吟嘯公綏之孫乃父亦能

詩

大門祖父昔聞聲，交臂差池恨晚生。欲與萬山修郡志，誰
能三世擅詩名。故知龍領無魚目，更覺松心異舜英。字隱
句圓經幾煉，定應九轉已丹成。

和陶詠二疎為郝夢卿畫圖盧處道題跋作

彭澤五斗米，竟為督郵去。動干寄奴誅，孰識日涉趣。漢元
潛震宮，廣受忽高舉。心已抖，恭顯定至殺。蕭傳事君義，當
死肯復問。生路威福弗，惟辟明哲有。回顧淵明詠，二疎寄
意匪自譽。喪元辱先體，貪位綜世務。未若見幾微，政爾養
高素。展畫讀瑰染，公等忽起悟。風霜斂勁氣，泉石入幽慮。
足可休餘年，何用蓮朝著。

題孝猿圖

鄂有養子母猿者，母死子抱屍哀號不食。至
肉腐皮存，猶抱其皮不食。或繪為圖，郝夢卿

俾賦之

攫果實飢噉三聲淚霑裳尼居曾子侍寧嘗請此章不食
痛所生乃能善居喪林端有返哺未教烏衣郎面故顏彪
臂豈徒李廣一泣血同高柴託音異原壤謂當葬其母山
林縱之往勿復絆諸籠充壯兒女賞

次韻贈上饒鄭聖予 沂并序

上饒自南渡以來寓公曾茶山得呂紫微詩
法傳至嘉定中趙章泉韓澗泉正脉不絕今
之學永嘉四靈者不復知此貴溪鄭君 沂聖
予過我論詩所謂得正脉者也貌瘠而氣腴
年妙而詞老今予求其聲於微絃之外豈借
聽之誤歟於其行次韻送之曰

鄭里茶山乃詩祖繼之章澗兩泉吟端能捷疾追芳躅當
復幽冥入苦心力到光前還絕後事殊思古定傷今見啼
可止有新樣黃葉元來不足金

宿西疇曹教授宅

宿羽同夜林天明各分飛人生塵土內別易會合晞我自
錢塘來君從宣城歸初喜望顏色昔癯今似肥細視久乃
覺脩然不勝衣老至故當爾關心厭塵轍戶門豈可忽仕
宦未為非迎來三徑荒園花減芳菲政坐行作吏耕稼始

願違子壻環我前設席燈燭^燭蟬^蟬遠廡考畫鼓崇盤薦瓊漿
友道比衰喪聞客局重扉獨此意不然壺倒觴屢揮酒醒
日已出行行穿山圍回首重回首晴川渺煙霏

沂行回溪三十里入婺源縣界

我非塵中人素心在塵外深谷行人稀幽賞與心會原疇
芋苗肥嶺塢杉木大女績男斧斤生理於此賴稻畦無凶
年山泉百道溉水滿時自春奇哉澗邊確惜我乏寸土把
茅不容蓋老矣徒空談惘惘發溪慨

沂行回溪三十里入婺源縣界

軍馬所不到大山夾長谷千載幾離亂不知有殺戮雞犬
何晏然未羨鄆社曲連林望不極春晚翁以綠其大至如
椽謂之貓頭竹苦竹尤清嚴翠篠森矗_之厥土最宜杉彌
嶺亘岡麓種杉二十年兒女婚嫁足杉杪以樊圃杉皮以
覆屋猪圈及牛棚無不用杉木聯筏下浙河善價不輕鬻
山高高至天藝_之禾藝_之畝粟又有茗并利商販給南北夏旱
不夏潦晚如歲不熟藏其與葛粉槌搗代糜粥豈若水鄉
人動至售骨肉醜陋羞治容捷壽由寡欲定非私此邑大
言誇美俗行脚遍海內久久寓葦叢萬端墮姦欺往事杯
水覆曷不歸乎來於此擅幽獨崎嶇_之確_之間_之數步一_之葡萄
猶勝見貴公滕行受耻辱寒泉洗塵心怪石醒醉野叟

茅廬邊買隣願亦卜
見時度大庾未識險與艱
劍閣天下壯老矣無由攀
同我名窮源路如環一重復
一掩千彎仍萬彎怒石躍
鬼淙流出其間高處望來
處井底忽升天為言上復
上何如居庸關

下回嶺

上嶺何所苦一步一氣喘
下嶺何所若一步一脚軟
直視三千丈石梯落層巘
終須到平處尚作屈曲轉
彼猶可通車太行羊腸坂
此乃不容步險甚蜀道棧
回首望木杪千

里百里遠

留回嶺汪明府宅元圭

仇池非仙境商嶺在人
世詎必深且僻而後兵
可避大物有轉移戈甲
滿天地城郭匪云遠
馬跡竟不至翁蔚樹木
密復重澗谷閼中有
長者家累業重名誼
積德服里社故非一朝
致園池既顯敞棟宇亦
弘遠文甃洛花紅雕籠
隴禽翠恍然壺中天
迥與塵界異崇觴延
老夫子姪盡擎蹠
豈惟授之桀柳且侑以
幣客來無不速各各
滿其意居多章甫冠
憲、縈衿佩如聞菜
精舍微因嚴祀事
紀載儻予屬庶用報
嘉惠

婺源道中

盤山莫訝去程賒，風俗真淳尚可嘉。
行客門前方下馬，主人店裡已烹茶。
百泉怒噴常疑雨，萬水陰森不見花。
倚杖蒼崖憶何事，白雲深處晦翁家。

次韻謝遜翁吳山長孔昭三首 覺

筆追古作未云賒，正始遺音到永嘉。
諫列台騎沙苑馬，從臣宜賜空源茶。
吟邊彭澤先生柳，夢裡長安進士花。
不朽故知非爵位，文章海內舊名家。

乾淳一老去，非賒里社游。
談亦孔嘉仙，取不還緱氏鶴禪。
機空說趙州，茶神農為我先。
嘗藥迦葉誰，今又笑花欲向

君侯問端的，流風應謝魯東家。

降原陟嶽敢嫌賒，風物元從僻處嘉。
晴日緩行果下馬，春山初試雨前茶。
野橋瀟灑泉如雪，石壁崦嵫嶺自花。
剝欲移居此中住，便依詩老作隣家。

次韻謝贊府 辰起

越嶼燕寒萬里賒，相逢重接話言嘉。
乘車君不輕予笠，缺酒吾惟啜子茶。
斯立官衙清似水，叔原樂府麗於花。
內交儻許如元白，各賦春溪二十家。

次韻謝吳太初 祖遇龍大學博士所生父

落筆誰云古意賒，四靈何得擅東嘉。
跨鶴未斫吳桂對

鶴煩烹魏野茶商畧春詞犀墮雪留連夜酌燭生花如君
三世工文墨江左于今有幾家

再次韻謝吳遜翁

有白云燕領英姿宜食肉
羊腸險韻且煎茶甚佳

一自為農去國賒九天無路獻忠嘉不爭老杜廣文飯且

共仰山鷺子茶

君寓晉
濟寺

字畫故家元佑脚篇章時樣鄂州

花它山待刻鐘樓作震撼煙霞十萬家

近為晉濟寺作
鐘樓記見示

復次韻吳遜翁

乾坤磔裂歲年賒忽復中原廢獲嘉雷煥竟能出神劍張
筆才許識真茶一身北去南來雁萬事朝開暮落花詩句
辱公過相獎已甘終老作田家

以紫徽花見許故云

次韻王君

鼎龍偕子同來

訪

住黃家塢俗
呼相撲塢

愧子初來塢路賒曾微酒旨與散嘉茗詩輒便拈枯筆接
話才能供淡茶膝上佳兒如玉雪山中春事幾風花良疇
世世勤畱播終待明時過完家

次韻前廣德趙教授良鈞

脩程萬里未為賒年少曾逢世運嘉早擢高科題鴈塔合
班邇列麈龍茶宦情劃似雲歸岫時事驚如雨送花書林
寶藏鏡詞藻肯羨青霄富貴家

次韻滕君賓日

唱并序

其先四人登科愷璘琪武子有四桂堂璘曰

溪齋租也父學日切齋至邑宰叔父堂長鈞
六作晦翁亭於其家之朱塘文公嘗偕蔡季通
曾蘇詩歸來遊之地云首末

數步朱塘路匪賒晦翁亭創自端嘉遙聞古屋環脩竹擬
汲寒泉薦苦茶萬鎰黃金何足寶四枝丹桂有餘花諸孫
風骨今猶別師友淵源自一家

遊翁賜詩不已復次韻二首

登畿稍借隙陰賒告后謀猷豈不嘉未斷周妻及何肉已
忘党酒与陶茶病軀度日惟憑藥禿髮經春不識花賴有
公詩滿牕素定成多寶駭貧家

極知旅瑣酒難賒亦欠魚如丙穴嘉稍向市工求舊硯更
從山戶覓新茶芙蓉欲度崔嵬嶺芍藥猶餘爛熳花但恐
歸途別懷惡時須迴首故人家

題金明府平易堂 訥懷

桑疇麥隴頌聲歡競說琴書政事寬方寸惟知存豈弟絲
毫不肯作艱難愛民何啻如兒子行跡休教避長官未往
星源九幾嶺從今都作坦途看

題徐贊府不負堂 辰起

哦松人與職俱清時見春郊雨又晴所學政應如陸九只
消一語了平生

官無大小各分憂可但專為七尺謀說著此身便非是寄
聲多謝薛嘉州薛能詩不負嘉州只負身

為吳太初題初隣齋二首

此宅元無一物遮問君隔壁是誰家伏羲未畫前頭事籬
落傍邊靠得些

三兩茅廬一徑深略知住處未知心元來有物先天地唯
向君家屋畔尋

跋張明府獨樂園圖二首

熙寧相住半山寺元祐人宗獨樂園早起庵中釣魚手未
應宣靖失中原

獨樂人聞新法新定應翻作獨愁人墓碑一仆黨碑立已
覺園花埋戰塵

題張明府清風堂元佐三首

麥隴初秋曉吹寒新篁搖動碧琅玕滌煩解愠誰相似父
老人人說長官

素紉搖月生高堂病暍應無困道傍好債豐隆吹火傘人
間各受一襟涼

萬疊春山積雨晴新茶處、煮車聲不應獨送月團片偏
與盧仝兩腋生

題江君天澤古修堂靈三首

大雷空裏片光懸何異初開混沌天能辨辛勤磨玉斧不
愁缺月不團圓

堯付諸馮藥一丸養心誰續執中丹三千年後人能服聖
處工夫似不難

文言當日演帝編夕惕文觀變光乾進德立誠說方法定
嘗參到杏壇前

跋吳初隣山谷臨風笛真蹟

臨風玉笛調孫郎百字塵昏紙尚香細認黃象元祐脚似
人殊喜見他鄉

跋徐蜚英四世祖神童事祖名大成

軍不復過前村
句圓字穩削陳言
詩律吾曹合細論
五蘆端能壓南岳
後村死後有前村

贈刊工程禮

鏤金鑄石切瑤琨
深入詩家不二門
刻畫工夫初亦苦
終然芒角了無痕

贈硯工場全

人間漸少老書生
真贋誰能別舊坑
磨墨揮毫自竒恆
可須一硯苦求精

再贈硯工場全長句

誰鑿山中龍尾石遍與人間供翰墨蛟螭妬嫉互盤踞鬼神守護勤呵叱苟非其人不輕出似覺天公深愛惜磨研輕寫俗文章豈不青蠅汚白壁硯工具眼如玉工千巖夜見月貫虹懸崖深淵致巨璞瓊包蓆裹箱奩中深藏不敢褻天賜脅取豈無王與公脫使捐金動至百卒未肯售寧固窮客行何來身突兀作字不媚詩有骨此翁謂是謫仙人開匣再拜獻此物乃知揚翁亦奇崛氣高肯為勢力屈劍與烈士得所歸天下之寶不可忽

題黃君以發擬文公書院梁文及賦

滔天筆勢百川東小待清霜萬壑空能草子虛上林賦更

須收斂入檀弓

追和良軒俞同年選題程一甫冕詩卷

人物真高絕何徒上下床轉頭異今古翻手變炎涼應候禽蟲語知時草樹香吾曹能不朽宇宙與俱長

文公故居有懷

慷慨懷人獨倚樓定應故國此神遊共知道派傳洙泗猶覺文星貫斗牛八佾舞移誰有魯兩楹夢斷已無周先生不遇閔何事更作離騷一段愁

文公書院新創

新堂育士煥棖椽突起文公故宅邊孟子向來推亞聖鄒

人誰不企先賢遺書會粹垂千古缺典因循近百年為問
杏壇舊鄰里顏曾以後豈無傳

婺源邑中

天地初開孰結融一溪千折萬山重縣城似繞流觴水郡
路多由對鏡峯祠廟駁奔乾竺會鄉邦鴻碩充鄒封版圖
三萬東南有二事無能可比蹤

離婺源過古薦汪口張村三渡遂登五嶺

卧聞鄰客曉先發亦束寢衣辭旅榻急雨頓止風稍動空
山微涼路不滑溪流向西吾適東舟渡者三更橫絕人心
最險天自易左路欲窮須右通蚕放三眠大麥熟 桃爛

紅豌豆綠野次思之不可致七日菜食市無肉南山之北
歸去來摘菊剪韭手所裁說詩侷酒花當開焉用捨是登
崔嵬

過芙蓉嶺對鏡嶺羊閣嶺新嶺塔嶺賦短歌五

首

平生所聞芙蓉嶺上如攀天下入井老乃來遊殊不然褰
裳頃刻升絕頂南踰大庾鷓鴣啼北度居庸朔風緊客行
到彼例淒酸我已恍惚夢中景視險如夷兮要深省君不
見芙蓉一嶺今已過我但慢行君奈何

千鈞巨石百十萬亂堆橫峙塞山澗故今流水作鳴咽行

人厭聞猶喜聞芙蓉非花鏡非鏡無可克君耳目玩第一
嶺望二三嶺蜿蜒似作長蛇緩努力向前今不須嘆君不
見老夫足堪半天下臨危豈是趨趨者
客謂老夫今老矣胡為尚落空山裏千根萬難萬不平上
嶺下嶺不肯已此嶺第三未為險人面獸心險於此乾坤
一紀戰旗紅偶脫亂離身不死流可無行兮坎即止君不
見羊化為石鬪即休兩角蝸爭何所求
第四嶺頭分兩色相背無情水流急制河東下彭蠡西到
海終須合為一海東聞有沃焦石萬國之水不供吸在故
人心千百歧有生必死終無迹焉用皇、今仍汲汲君不

見塔嶺之塔焉在哉不如有酒斟一杯

塔嶺頂分休寧婺源界

混沌何年分宇宙天地日月常如舊如舊之中却常新何
曾一點受塵垢誰鑿此山為捷徑爭利奔名足馳驟新嶺
終無可舊時燠不加肥寒不瘦行人自無今百年壽君不
見嶺頭日日吹征塵刺有新入無舊人

留吳田霜崖吳居士宅

夢龍

予仲女許其孫姻

衆山環如規中有一川水山腹翠樹圓水際玉石峙居人
近百家耕餘習文史此翁獨能詩早克賓貢士平生宦情
薄一試倉庾氏中年厭兵革肥遯白雲裏時、吟一篇自
教孫與子滿屋讀書聲萬事不到耳問途訪幽居曲折

餘里麥天小雨霽初夏風日美遠近携飲壺劇談並宴几
門帖句句佳字畫亦勁偉畫出名畫掛額共高閣倚烹煎
茗笋良釘鉅蔬果古鼓吹聒深夜酒酣未容起寒薄攀華
盛兩姓合嘉禮東床向志學骨相良可喜積德貽後人
興未云已發稟濟青黃垂紳曳朱紫天人幽顯間施報有
亦理畧窺宅邊園培芳茂花卉黃鸝殆無教白鷗不知幾
山茶及巖桂葉々瑩如洗間氣鍾人物吾故卜諸此老夫
託姻好悠遠自此始定當繼朱陳何但誇孔李

乍歸呈許君公度楫號象泉

東南天地早聞名三載吾邦涕頌聲山好更饒詩句好江
清未抵使君清消々流水秧田足細々吹風麥隴晴客子
歸來問耕獲故園似可養殘生

同金漢臣徐蜚英小飲傍溪寺二首

萬峰竒峭一川平四月清和十日晴蚕麥豐登宜把酒山
城只欠艷歌聲

高憑遠眺酒頻斟誰識風前快飲心州縣長官勝隣境秧
疇水滿樹林陰

虛谷詩集卷第十

送胡子游學正

詠

紫

陽

方

回

萬里

虛谷

桐江

續集

虛谷桐江續集卷第二十

紫陽

方回萬里

送胡子游學正詠

俗徒紛云云章甫殊不競不競何以故無奈二氏橫予曰
寔不然請各言其行開闢古至今儒道獨也正柱史玄牝
門專氣保清淨末流詭長生妄欲奪天命靈山見作用誤
認氣為性輪迴豈有之怪繆莫究竟兩俱可鄙者巫覡事
百聖愚氓惑幻詭徃徃墮坑穽既曰身出家粉黛侈婚媾
豈不交鬼神酒肉厭羶膻此曹浪夸毗內衰外徒盛吾儕
讀何書堯舜至孔孟捨攘干戈後學校幸未屏劣者伏閭

閭甘忍饑寒併仕或為冷官官冷亦何病寧戚半夜歌魯
點暮春詠求已勝求人自重豈容輕東家子朱子述作貫
百聖遺言一一在足可雪几映省察中為和存養義由敬
上沂周程張例不顯宰柄乃有功斯文如揭日月鏡韶音
一以還二氏噪衛節榛蔓彼自迷我此松栢勁歷觀史傳
間不學行國政喪亡竊威福依附涉巧令異端伺罅隙磨
牙騁譏評前哲貴內修韞匱寧待聘信有飯不足未羨庖
欲清勉哉子此行始終抱淵觀萬一際竒逢定作蒼生慶
不然歸去來預戒菊徑迎

次韻徐贊府蜚英八首併序

蔡李良從許公度使君行縣倡和詩各四首
婺源丞徐君辰起入郡城和以見示其出入
阡陌陟降川嶺可想見也予此和亦以紀吾

鄉州縣官多賢者云耳

長官行縣課農書耕叟治田賈趨虛上到嶺頭望應喜人
煙今密舊時疎

高低田水入溪流溪岸閑橫野渡舟麥飯家家甑中有永
無犢佩起山頭

樹形萬怪石千竒我亦曾行亦有詩焉得一官如長吏出
郊長是看山時

縣崖複嶺間岡坡如此天邊遠碧何誰道此中曾得句道
傍老樹閱人多
騎入州城出縣城不須人送不須迎連峯峻嶺崎嶇極政
自曾中掌樣平

摩拊博娶達下情領州作縣總書生清詩要自清心出比
自新安水更清

屏除呵殿少人知隨馬囊詩更有誰五百不來村落靜自
然生齒似蠡斯

老農持底報君公十日甘霖五日風夜靜山中看天象福
星偏許照江東

次韻金漢臣喜雨

山高田易早已過一旬晴豈止商飢飽真成決死生甘霖
三尺透病體十分輕想見琴堂老催詩意倍清

夏日小園

山中豈不樂奈無田可耕傍宅蒔荒圃長夏日閑行行倦
即獨坐時聞幽鳥鳴剪花汰葵兒護荀觀竹成詩就意偶
到事罕心無營忽復佳客至取酒相與傾熟醉徑高臥頽
然忘送迎餘齡能幾何聊用遨此生

戊子生日

去年苦雨客西湖湯餅經營至午無窮老復能逢順境歸

林聊得保殘軀親情飲食煩相問朋友歌詩似稍諛永感
情懷更衰病可須兒輩事庖厨

生日病腹疾書事

今年六十二棄官八年矣生世業已休來日凜無幾孰謂
嘗作郡旦暮窘薪米少時頗豪宕晚乃窮如此此事非所
夏所夏學業圯孤卧僅一榻疾讀動千紙積迷如望洋頓
悟不違咫深井朱夏寒自汲洗手水心更潔於手時以理
趣洗平生大繆誤豈不習經史搜覽浪該博著述墮浮靡
詩雖稍得名性：語多綺夙愆奚庸追舊嗜羌可止迴車
遵大路千聖同一軌茲晨記吾降益復感髮齒忽虛苦下

泄乍實結中痞道在果何恨朝聞夕可死朋友挾壺酒卒
爵強告旨敦篤謝親姻輯睦賴鄰里人情不容拒羔鴈間
豆篚酢賓有故常勿藥姑少俟清庖作湯餅露丐兒女子
菲饌微餼餘稍亦及僕使老夫且伏枕萬事莫掛耳處約
猶處樂可不省諸已俗競徒朵願退修寧貴趾幼者日以
長衰邁斯可揣要令百禩後知有老居士

五月十四日梅雨始通走筆二十韻

邇日豈無雨東有西或無有亦僅鳴瓦不肯鳴庭除簷聲
尚難滴况望浮溝渠滂沱靡後繼霹靂空先驅山田半未
蒔、早青苗枯切慮旱勢迫莫辨暑氣甦去歲當此際浙

鄉渺為湖窮冬六十日所至雪塞途無乃天力竭有如酒
家壚甕益夙傾倒遂絕來者沽或謂帝有赫豈忍氓卑屠
久蓄必大泄勿遽宜少須鄰寺鐘鼓悔頓與常時殊果即
驟傾注屋滿衣巾濡平明視荒園破鞋涉泥途詎惜葵卉
仆但喜豆葉腴西溪報橋斷渡舫若小紆遙想農出野蓑
笠爭奔趁吾雖乏良疇窘飢意已紓天下免溝瘠敢嘆瓶
無儲

五月二十八日塘頭小集呈同遊劉元輝楊
復之

山中五月寒霖雨久不止稍稍雲意開駸駸日色美駕言
出東城道傍玩流水曾次積滯悶一見似可洗問訊元方
兄太息雍端子養性在知命制事當達理病乃老人常貧
非志士恥時運縱衰謝見趣肯卑鄙荒野叩槿援出軒俯
蓮趾吾友足然來君子有酒旨青甘剖嘉瓜碧脆摘新李
加適何必多真率故佳爾學道氣臭合成文笑談綺鳴禽
窺林間跳魚出波底驚見我輩人未有容如此良晤匪易
得淺醉彌可喜會當時盍簪斯樂未云已

六月朔一日次韻酬元輝

吾不及淵明愛酒未能止不仕亦有祿賴此天之美年、
攬飢腸憂早復憂水邇來甘雨調惡况已一洗
人

復古綿真附子服藥焉用多寡欲即將理固穷豈無說屢
空詎足耻彼以盜賊富乃茲所深鄙懷人渴儀刑秉芳在
中止心賞於焉臻酌水味有旨况有杯中物侑以來禽李
清談有餘韻草木亦側耳雲霄自且與丘壑且園綺向來
榮進念腐泥况井底相與磨醉吟所樂不過此寄語身衢
人可吊不可喜猗嗟楚子文庸肯愠三已

送嚴陵汪學正巽元併寄趙賓陽

子去桐江路諸生逐水濱為言前郡守獨憶老詩人揖拜
衣冠古歌游棟宇新故吾誰見念辛苦戰場塵

次韻元輝昨遊

藕花芟葉忽

此地聊來解愠風無酒尚堪翻作有蒼

顏終不化為紅虛聲浪漫盈天下急景奔騰過日中萬事
可容着心力迎來詩句亦怱怱

贈程山人 永昌

青囊遺論究幾深屋宅為陽墓宅陰元出易中後天卦更
憑心上指南針故知形勝從來有難必帶華此處尋周洛
秦函倏興廢豈虞山水喚之今

風水家之字
水合字山

五月六月雨寒二十餘日

五月今年更索裘窮山積雨冷於秋斯頃变化真難料宿
昔沉綿幸少瘳老強讀書猶有益貧因知道故無憂葵花

零落渾閑事且望田家早稻收

五言今平慵起

慵起披衣出戶遲今年最喜免招醫粗容破窻炊雲子可
用芳筵佐雪兒醉後作詩多不記夢中讀易了無疑雨晴
風爽園林密獨立清陰過午時

青囊數論次韻金漢臣雨後病起見寄

故鄉萬里思親遠
客館孤身度日長

佳句也

一自蒲盃弔楚湘倏成炎溽乍陰涼恨無捩上如飛馬往
問齋中獨宿床病起精神如雨止懷歸愁思與天長何時
共詩說直上高峰看夕陽

暑天

暑天無暑荷天公似覺吾家亦未窮
蔭傍漢朝名將樹涼分楚澤大王風
洛遺書訂三焦誤河負圖觀一點中
忽籍流螢足詩句黃昏燁煜起林叢
五格物六養心

次韻金漢臣喜晴

雨足秧疇始放晴鄉鄰所至有歡聲
宰公明察無冤獄太守辛勤自勸耕
我昔黃童成白首誰今赤子視蒼生
定知米價秋來減遍買村醪處處行

夜望

夕陽已下月初生小暑絕交雨漸晴
南北斗杓雙向直乾

坤卦位八方明古人已往言猶在末俗何為路未平似覺
草虫亦多事為予凄楚和吟聲

萬事崢嶸入夜思稍欣無病且無飢山田望稔秋收近暑
月乘涼早起宜暗燃鬚髯驚露濕倦爬亦癢喜風吹買薪
汲水營蔬茹草、盤食了一炊

次韻送胡教諭炳文如金陵二首

子有山中田何不力自耕曰予抱奇志把較為此行於茲
匏瓜繫曷若鳳凰鳴徒步未可料一日秉國成老夫察時
義不待易四營大物苦難運高位防易傾苟且忝一命奔

走疲送迎鄉里政自佳歸來訓諸生

治郡愧坐嘯歸田服躬耕始覺少年誤浪作萬里行書傳
極古汲詞藝爭先鳴豈知老欲死一事終無成之子初遊
遠物務思經營北望中原濶東視長江傾金陵冠蓋地豈
無倒屣迎心賞少不至謹無負平生

送金漢臣明府徐蜚英贊府還婺源

星源長貳兩賢者丰采精神王不如詩外更工長短句腹
中何恨古今書平生事可心無愧我輩人常氣有餘記取
孚舟亭上語定應時復寄魚書

哭從兄良遇

先叔父九頁元琛字元獻子也名年明毛

鄭詩兩請漕舉甲申生近六月十五日卒年六十五歲長回三歲

先祖五男子其下八男孫白首涉患難僅餘二老存兄昔健如虎行步疾飛奔長眉具壽相脩髯當風掀千丈聳巨棟一朝成枯根強者尚若此弱又具奚論惟兄負剛勁臨事簡不煩可否率正色否臧多直言談笑無城府其寒春和溫儉士有弗察平地生讎冤惟揚赴遠對乃用怨報恩十年歸來乎下惟董生園此死幸無愧彼生非遊魂春官一再上科名合高騫世事既鼎^幸何如偃丘樊百里許起

家性終不附喧軍馬塵未已朝夕常閉門劣弟解彫郡生理古井督時復造兄室醜酒崇盤飧二月近生日爛熳傾芳樽豈謂三四月醫藥味病源平生無妄侍寡欲培真元焉用艾與附内外加炮燔五月二十八了了語不昏為後取猶子愚哉真大豚此事未稱意似難它選掄委曲進寬譬且望進粥飭乃後密探問不敢踰閨閣諸幼日傳報精神稍軒昂奄忽季夏半長往遊厚坤走赴氣已絕號慟書靈旛_{回書其靈几之旛曰全而歸之歿吾寧也}憶兄舊論議雙袖揜口齒未即開飯含莫嚙吞蓋棺一何速迫此炎暑神衰繭抱怛痛哀聲嘶霜猿人生孰不爾屈伸手覆翻考終亦一拱

壁無瑕痕丘嫂撫孤穉匪伊將冠婚或者氣質變培壅成
蘭蓀寒宗弱一箇繆居昭穆尊上當相宅北安厝居高原
下當教貽厥敬恭奉蘋蘩秋風幾黃落我亦超崑崙焉得
天地間長掛扶桑暎

坐看南山雲二首

晨起無一事坐看南山雲為雨殆可必盎然心自欣耕疇
已久捐稔歲猶願聞匪惟救厄饒兼足蘇悵焚升降地天
泰允良通氤氲高能以虛受能下斯為君宇宙儻非爾函
靈焉不憤吾生與草木幸茲同芳芬
幽林響欲滴夜色始欲分扶桑定已紅星象收其文尚復

有飛鼠撲擊空中蚊頃更兩滅迹窅然藏紛紜鄰煙氣稍
上谷禽聲漸聞七月入伏末未減炎暑熏皇后漏雨意似
閔黎庶勤此心誰予知坐看南山雲

早起

調和風雨順星辰幸是人間自有人老賴獨眠無疾病閑
能早起更精神胃中養后先天易物外無懷太古民頗怪
吾廬舊山色不隨時世與俱新

野趣居士揚公遠令其子依竹似孫為子寫真

贈以長句

邇來畫工工畫花俗眼所識惟紛華牡丹百卉閨蜂蝶笑

蓉鴛鴦相交加大為屏帳山卷軸堆紅積綠供
奢高人瞥見付一笑婦女小兒爭驚誇我愛楊君畫山水要是自
中有妙理巴東巫峽猿夜鳴洞庭瀟湘鴈秋起皓月明河
萬里天淡墨掃成頃刻耳舊與結交三十年今老而歸識
其子是父是子皆詩人每一相逢佳句新西風蕭寺父謂
子寫此前朝之士真自言畫是作詩法狀貌之外觀精神
忽似老夫對明鏡條然雪鬢烏紗巾野態愁容本難畫問
言何得此奇恠得諸苦心熟在手卸人斤斧由基射腰圍
不用黃金帶象笏紫袍貧已賣只消結束作樵翁看山獨
立長松下大揚居士醉曰然小揚居士呼來前眉間更着

毫一縹緲詩仙仍酒仙汝不達我作郡年此直當酬百
萬錢今既無此無可言聊復贈之歌一篇

守孫漢歲子長子存心之
子八月八日

升沉榮瘁可須論古鏡當堂了不昏莫笑今喻六旬叟頗
欣已有兩男孫特牲與子蓋家廟聯騎何人叩園門急掃
秋亭具殺果涼邊爛熳倒清樽

贈刊印朱才俊

科斗何年變篆字至秦程邈翻為隸今人但習真草行誰
會六書三耦意篆所最難柱與園學打一圈費三年豈容
臆決茂師授汨沒形象迷傍偏九江法帖鐘鼎刻兵火以

來猶可得人間亦有說文
臣翔反切臣錯釋朱生贈我
古印章奎驪壁度森開張自言少小嗜此藝意欲徑上陽
冰堂細觀刀筆最佳處頗識傳箋通訓故苟焉餬口棲此
身元來亦是知書人

不寐

孤燈獨榻夜難晨秋氣初寒展轉頻每怯未嘗成夢寐
恰何苦費精神非關世事兼身事欲學賢人與聖人更著
霜當七十向來虛費幾青春

中秋前一日雨送粟戎葵子與劉元輝

小雨翻鋤土帶沙戎葵粟送詩家敢爭天上中秋月且
種人間隔歲花小稔米今猶未賤固窮酒可不須賒乘閑
倘肯來相遇有水吾能自煮茶

次韻元輝中秋雨

良辰合與一樽酬有酒無朋也自愁萬事只堪花老眼一
年又過雨中秋鳴砧處淒鄰巷擊柝相望起戎樓更著
亂蛩環獨榻平生天地付神遊

題汪氏孝節堂

汪逢辰母張氏嫁五十三日寡

矣有司表其門
曰孝節張氏

三從分定付之天捧案曾無月再圓菜子方同綵衣舞廊
風忽賦柏舟篇頻年兵革經多難奕世門閭喜獨全孝節

從來足陰相兒孫衮衮壽眉前

喜馮伯田至

坦

扁舟相送浙河濱又向茗溪住幾春
兩路遠來應跋涉雪眉聞說尚精神
山城風物非他日詩社交朋不數人
畧遣後生識前輩揮犀為洗庾郎塵

夜思

夜氣清寒薄寢衣迴頭六十二年非
直能歌枕思時透始覺挑燈得處微
百蝨漸侵床畔語一螢忽入帳前飛
研朱點墨皆陳迹見道元來自有機

次韻伯田見酬四首

久缺戕筍到嘗瀆相逢依舊氣如春
深藏尺璧元無價時孽圓著尚有神
柔梓兵戈三峽路衣冠文物五朝人
片時畧得陪清話一掃胸中萬斛塵

世故吾其問水濱向來不合典班春
一從去作滄浪客幾度重題爵壘神
垂死豈堪思往事忍窮方欲作閑人
喜公強健猶如故未有清樽可板塵

半年泗沂越江濱每愧羊裘老富春
歸隱尚能聯比長出遊復肯祭行神
枯腸近飽三文夢宿齒且肩四豆人
能顧寒齋共芳茗蠹編時為拂蛛塵

六橋久客舊湖濱春日花不似春游學
頓無福建子科

名更說梓潼神暗驚淵寶 夷事枉作書癡傳癖人辛苦
湘纍辨蘭若艾莊生齊物芋埃塵

我能納祿君辭聘大覺蓑衣勝袞衣有徑弗行綠畏險無
形可見要研幾就令枵腹常亡賴儘勝枯骸永不歸何
戟門委荒草高堂猶記舊巍巍

誰識虛翁此一虛歸來不歎食無魚早聞曾撰異三子近
陶詩賦二疎但苦老身多疾痛時呼醫士問方書君知
湖海元龍否豪氣年來已盡除
老玩常編尚可為復能吃口對期期離明偶別書燈見坎

止因斟硯冰知豈厭微塵裨泰嶽只愁殘照近歲池兒曹
未悟侯王夢不了却那忝一炊

身歷干戈百戰塵休官仍似布衣貧每看事有難行處未
見心無不愧人秋稔粥饘猶可繼夜涼燈火已堪親開門
讀易吾謀決莫用著龜問鬼神

寄來詩卷了無塵想見家貧道不貧真復遠追前輩味頗
驚頓異去年人驅車蕩々行頽至破的遙々見已親換骨
得仙內丹熟可須浮海望三神

少年忽作白頭人慷慨悲歌豈為身屈子獨醒天可問重
華久去士常貧餅無儲粟陶元亮馬似乘舡賀季真此味

熟能相識察隕霜碩果有餘春

漢廷舊紱造金張初服逡巡返士紳勇退能為跡傳去過
剛似勝次公狂庭梧隕葉元非死秋燕辭巢不待涼玩物
察時遠失咎不須空熟九迴腸

守雌甘似不鳴將靜看無庸手脚忙沮溺故難同孔子孔

可沮溺則不可綺園何獨避高皇做不得星移斗轉光陰換林密

山深氣味長萬事灰心如嚼蠟唯餘杯酒未相忘

猶喜看書懶作詩暮年自合省云為預知陰兩骨骸痛怯

上好山筋力罷不寐有時忘數息無疑焉用扣歸竒寄聲

為報仇香道近日交朋獨爾思

相從汨沒走泥塗忽又還家半載餘把盞何由嘗我酒典

錢猶憶借君書兒孫十輩娛詩老梅竹千株護野廬東望

屢搔首能來相訪定何如

訪臨川楊仲樞于天慶

隱居何所為性懶絕造請駕言東城東恍兮異人境脩廊

窳無聲未忍踐竹影獨立味玄澹徐步入深冷秋光照虛

庭拱揖冠服整中有專氣翁學道早脫頡頏誠極語謝飾幾

動意潛頌煮茶雜椒椒案酒繁梨棗悅神良會稀遺物閑

畧永休官陶元亮邀世陸脩靜異代復同調霞外亦可騁

研幽挹高致探妙發遐省言壺中天心遠塵自辟音丙

九日約馮伯田王俊甫劉元輝

山雨初開一望之似無筋力可登危每重九日例要苦垂
七十年更亂離今歲江南猶有酒吾曹天下謂能詩肯來
吊古酣歌否恰放黃花一兩枝 兩日前私忌

次韻王俊甫山長九日登烏聊二首

山色初明小雨開可容無地拓襟懷荒寒試興登臨去奇
崛能隨感慨來何限詩愁閨世故終憑爛醉了生涯風流
二謝猶堪恨俛首劉郎戲馬臺

江邊危阜俯江臯去馬來牛細若毛古道向來元寂寂俗
流何處不滔滔漫拈老筆雕空 徑命芳樽洗鬱陶天地

年、有搖落悲秋端謝楚人騷

次韻孫元京見過言詩

騷壇爭長各稱兵未卜誰歟霸業成欲瘞_左育治穀廢命
除白俗掃元輕屢更落落心猶壯常恐空空氣驟盈據險
作難終未是賴公指示軌圖平

眼底驚嗟見此流祇嫌接對未云稠蘇門逸響追長嘯湘
浦餘情續遠遊新息今須乘果下襄陽誰漫釣槎頭吾衰
久矣公猶健好控飛車跨九州

九日詩馮伯田王俊甫劉元輝楊泰之見和復

次韻二首

空經虛緯費來之，竒急常由瑟柱危。壯似陰山歌救勒，悲於易水和漸離。崎嶇萬古無窮事，酩酊重陽幾句詩。刺喜故人會我意，東籬何日酌殘枝。歸來誓墓學羲之，政坐機張觸處危。久已光芒韜巨闕，更能文采眩長離。奏書方朔三千牘，飲酒淵明二十詩。索米長安飢欲死，何如終保傲霜枝。

寄還程道益直諫道大直方昆季詩卷

朱文公謂吾州山峭厲水清激，故其人物亦然。而文章亦然，婺源之山尤其峭厲者也。其高為江東之脊，而水之清激者分而為二東。

為揚之水由富春瀨錢塘江入于海，西歷彭蠡大小孤揚子江入于海。予讀程君直諫道益直方道大賢昆季詩，殆猶水之出於是山也。其派二其歸一，其清激本于峭厲而其渾浩汪洋極於海，則不見其迹矣。因賦吳體寄之曰：

山水吾州稱絕竒，間生傑出當如之。不行天上五嶺路，馬識人間二程詩。無逸幼槃金華似，才翁子美歐陽知。怒流洶湧各分派，萬折到海夫奚疑。

為黃仲宣賦山中四章章四句

山中之朝有溪可瓢飲我之水亦道以遙山中之暮豈不
風雨心與一燈耿耿千古山中之人耘夫耕民鯖厥五侯
其如子真于疏于驕朋來其學彼惡知茲山中之樂

承金漢臣寄詩將及一月次韻奉酬併呈徐蜚

英

千里秋光一倚欄危樓四望碧雲寬遙知對壘分詩將未
覺同舟怯縣灘九日與誰同把酒八年如我倦彈冠會難
別易駒陰迅時展來篇細看

張滁州度簡

挽詞二首

迪之號古崖年七十
五令祖與先君同榜

入上
庠

世變古來有人才時豈無已移甄井壘猶握釀泉符壽及
周三老名成漢八厨彼哉武斷者盜起欲全軀
上庠同補處祖父昔通家書在燈俱續舟移劍共羌故都
箕子麥晚憶邵平欣五福公無恨吾生自可嗟

漢臣明府與公度使君話吾州山水之勝有詩

次韻二首

繡作群峯玉作川筆端秋思浩無邊賜金增秩從民借會
費將軍九萬錢

秋容洗雨馮浮空牛斗之南江以東是處皆為群玉府誰
家不似水晶宮君侯總是文章伯文物差宜錦繡曾綬馮

倚樓隨所適高情長在醉吟中

次韻金漢臣五城道中

郊行自次爽于秋歲稔天寬百姓憂但有樵人歌隴上永
無廷尉望山頭最宜曠野開詩思未覺他鄉動客愁想見
霜林踈更好綠陰時節憶曾遊

次韻漢臣閔口渡

歲月匆匆馬徃迴馬頭西去又東來不知自有乾坤後幾
度蘆花謝復開

九月三十日漢臣置酒次日有詩次韻

槁梧策策晚風秋始覺天邊雨意休掃盡陰霾供一醉豁
開空闊慰雙眸青銅未至無王老紅袖何嫌有莫愁我亦
放顛掉殘菊不羞衰老雪盈頭

贈壽昌墨客葉賢甫

古人削竹以為筆木板為方竹為策其字科斗或鳥迹或
篆或籀煤傳漆未有今人所謂墨晉發汲冢尚可識地中
間獲鍾鼎刻文為之具未為極何其妙哉善摹畫束縛毫
管備彤飾鶴眼鳳味鑿湍石點楮刻藤擣成足松煙魚胞
和堅密誇精闕巧不遺力隸真行草最後出萬乃不能及
古一有良弓矢無良射器利工拙繆繩尺風頽俗降嘆近
日四寶往々俱限得尤限得者墨一物燃蕪膏脂礫桐實

非膠太燥則太溢高價立圭詭蒼壁其實不直瓦與礫義
獻不起歐褚畢亦無李杜大詩伯顛倒吏牘冒儒藉乳臭
小兒僅甲乙苟且研磨暗竄易奚李縱生惧稱屈壽昌葉
老獨竒劓改仄涉澗負囊笈直笏圓丸動盈百病風手試
銅蟾滴瀲灩龍光浮五色便覺硯中轟霹靂金錢亦不過
求索但欲流名寄篇什噫嘻此一怪墨客作書轉送三歎
息物有當黑不肯黑事有當白不肯白

題吳山長文英野舟五首夢炎併序

江東祥刑使者盧處道取帝蘇州七字冠巴
東十字為紫陽書院山長吳文英作野舟扁

將為亭於其所居之溪上郡人方回萬里咀

二老詩下一轉語仍以已意續之成詩五首

春潮滯雨橫舟晚成就蘇州一段竒向使有人爭此渡帝
即眼底定無詩

丁却老子扶黃屋直上澶州城北接遼陽鐵騎驚相問舊

日巴東野水舟

此詩謂寇公晚節大用成此大功其初乃巴東小邑耳

我有孤舟自天地以頭問渡苦無人誰家買船浮溟渤脫
命蛟龍亦損神

大材定復不求售至寶政須能自珍一篙用着方知貴只

恐悠懶問津

世多漢水昭王事誰辨烏江亭長心君知此處真堪託天
下無波可得深

命題諸君喜程道大至直方約諸友二首

東籬殘菊未成塵所見悠然意尚真玉璫常聞歌早麓白
顛何得賦車鄰欲遵飯顛山頭路合問溪明閣裏人賴是
吾徒不全弱能來爾汝話酸辛

攢眉抱膝一衰翁豈為區區口腹勞早向前朝閱諸老曾
微晚葦紹遺風草堂詩到夔州後竹馬年思大曆中畧共
清談商此事未妨傾倒一樽同

次韻金漢臣見雪聞鴈二首

山城酒薄客愁濃卧厭秋霖萬事慵九月十月忽飛雪北
人南人俱笑容

月暗雲迷度杳冥飛鳴未肯落寒汀得無田里聲相似獨
此長官能細聽

寄題江君名楫秀山高處

秀山高處我未到想見斯人獨嘯歌靜賞奇雲臨翠巘醉
吞朗月上銀河異香染筆花間寫清影搖衣竹裏過愧無
健句凌空闊奈此天邊絕景何

十月中秋澣酒熟客至分韻得菊字

亂離脫此生真復類殘菊嚴霜百草死愧我一影獨御鄰

採菊東籬下
悠然見南山

豪奪兒豈不全滿屋或乃盜賊起全家被屠戮買禍由給
惡寡悔勝干祿聊保兩鬢白時倒一樽綠客有可人至酒
適今朝熟隔墻馬蹄響呵殿盛驕僕天邊本無物眼若送
鴻鵠

以采菊東籬下悠然見南山為韻賦十首

九日已過一嘉菊無人采晴軒醉餘芳賴有我輩在甬看
酒斗許意闊浩如海誰能起九原共與推千載兒女較唇
舌我豈爾能晚

生者不聊生死者已鬼錄死視生或優冥默謝恥辱側聞
田野間十人九飢腹柰何值狼貪尚欲肆荼毒客去醉眼

冷獨坐數殘菊

我詩無所師意畧與古同豪士見之咲寒苦啼秋蟲采菊
忽見山不辨南與東竒句忽天來目斷孤征鴻豈有學聖
賢而不忍飢窮

移石甃缺路折竹樊疎籬簷間見一蛛懸身墜長絲隨風
有所胃羅絡縱橫施胃中密經緯似不過一飢用意爾許
惡何待網成時

平生天外心異乎諸子者著鞭無前途焉取棄竹馬乍爭
祖逖先肯出桓温下黃鐘晚遭毀轟雷釜鳴瓦細玩却沙
文可不舉需足

音雅韻畧
三十五馬

不謂予坦率即謂予縲悠冷官尚難為熱官何可求寂寂
雀羅門無復車前騶但恐嚴光足終勝張禹頭客來且一
觴十觴未遽休

士衡怒鬼子仲氏不謂然雲間對日下此語亦淺旃丈夫
貴有立聲名動萬年青蠅能肆污白壁詎改妍君但滿酌
我一笑吞青天

不見淵明面淵明心可見問何以見之老菊耐霜霰尚欲
招祖謝豈不鄙湛羨市朝紛屠剥祿位甘苟賤高舉能免
此學陶亦云善

正始有遺音衣冠落東南曲午賴群賢歷年百有三吾聞

運甍人功與王謝參晦俊佐宋齊賣國爾乃甘陶氏獨有
孫飢死終無慙

今日見此山明日見此山有時或不見乃在雲霧間世事
亦如此反覆多阻艱陰晦待其晴山色終當還俗請勿與
競誓死保此間

贈相士李山屋

四十五萬坑長平五十六萬敗彭城頭小而銳重瞳子可
謂善戰能用兵殺人何得慘如此不知天亦還殺爾世間
產一虎頭相幾陣生靈為渠死韓擒彭醢不足悲無辜性
命供娛嬉漢家宗社計未定商山老人歌紫芝相人相窮

不相達天道好生不好殺豈無袖手開書生一着滿盤死
碁活

贈朱師裕併序


咸淳宰相大觀文馬先生拜薦予春官座主
也庚午去國未獲再面戊子冬外孫雪川朱
師裕乃父前池州教煥文實甫携以過予感
慨不已因賦此詩

相府違離二十年弁弓突見外孫賢故因高韻如袁粲豈
但雄文似史遷兵甲喧喧征馬地音書斷阻去鴻天因君
畧得平安信諸老無多重愴然

十一月二十日南至二首

風吹六十二年春又見陽和一夜新興廢親更三國事死
生暗易萬城人種花縱好誰同賞置酒良難自慣貧今獨
身為本宗長思兄臨節倍悲辛

至節今年始得歸祀先牲酒亦無幾兒孫長大衣裝少婢
僕頑慵廩餼微交趾虞翻猶不死荆州王粲竟何依玉笋
已想黃鐘動只有心灰自懶飛



原件短缺

卷21

虛谷桐江續集卷第二十終

虛谷桐江續集卷之二十二

紫陽方山回萬里

馬軍自杭至兩火止三月十五日

春盡雨還兩山寒雲更雲晝常無日色夜不見星文蜂起
此狂賊馬來皆勁軍尅期可平盡玉石恐難分

予嘗治郡屢平賊嘆今所見不然

昔在專城日吾嘗破賊時土豪勤問探民戶感恩私公論
必傍來下情須盡知騎軍遠迎擊孰識一先基賊巢穴深
一舉必取乍進忽退徒掠平人則賊得志矣賊乏食必出
巢四劫須土人謹探而先報我出馬軍迎擊之遠郊不使
近吾城必捷步兵難用惟馬軍可
以少勝舉一二箭可走萬象也

十九日斬賊十二人始明正典刑

兵興欲兩旬三戰氣初伸汝既甘從賊官非樂殺人早知
膏白刃何忍效黃巾拙速無奇策登城悉市民

昔年早大霧午大風冠銷兵解之象

驟合公超霧俄飛禦寇風大聲千里動陰翳一時空遠睇
烽樓外愁吟戰鼓中所思何日見還得一搏同

春盡四日 二十一日甲子晴

昨日大風聲今朝甲子晴整襟衣頓爽開匣鏡偏明早就
鯨鯢菜終全燕雀成清和舊時節新麵入山城

二十三日天氣絕佳西軍還二十四日東如績

溪

^坐綠陰下追思舊日春眠蠶方放大早麥欲嘗新豈意
生賊忍聞人食人何時兵遂解縱遣上城民

四月初二日出兵恰滿一月百姓未得下城

久謂兵當解何知戰未休屬方甜笋蔗遽已艷葵榴是日始見

葵花紅骨痛金瘡作心煩火色浮滿城俱閉戶不但一人
愁予嘗於真州泛江大風跳舡為桅竿之鉄鏈傷腰
骨將風雨則破而痛又嘗它有所傷天陰則骨痛

四月初四日聞績溪凡十五都賊焚欲盡傍出

焚歙縣之南鄉遂至昌化

昔日初聞寇諸人早出師焚燒寧太廣收勦已無遺斧鉞

何曾鈍雷霆豈肯遲迂延非決策那得更狐疑

四月初九日清和絕佳聞賊焚歙南路蔓延五

十餘里

小園無客至獨坐一繩床零日千林淨薰風四月涼禽魚
完孕育草木競芬香性命人難得何為有戰場

四月初十日得蜂蠶蠶絲之句

深言懼候時聊復一評之靡暇防蜂蠶惟工竭蠶絲因循
終不恤平定豈無期麥禡秧田瘵人家半忍飢

聞移東兵勦南賊

破賊須先易行軍要出奇雷霆轟當不測烏合本無知夏稅

催科日秧田揀時時掃除如火緩雨不便公私

客謂榴花早而多竹笋少歲早乃返大潦

客憂今歲旱事已見幾微早早榴花密遲遲竹笋稀即今

防黠賊已若墮重圍更使逢荒歉嗚呼萬事非草賊作耗四十餘日

東北西南四面起斷金陵錢塘路畧計五大縣被焚太平宣徽三郡城守如被圍然也

四月二十日客言其所不至麥有黑蟲食之

望、遙峰外行、茂樹中愁添詩鬢白早覺戰塵紅已嘆
桑無蠶何期麥有蟲南薰元不改千古舜紗風

觀蟻遷知雨

行、密、復疎、銜子公階粟粒如幾夜夏寒疑未雨槐

安國有五行書

四月二十六日雨後添嚴軍南擊賊寨

端許憂差減寧病寢侵添兵薈草寇垂早降梅霖寨破山
無險田高水亦深著書垂不朽或可遂初心容

四月二十七日梅雨甚驟

黃梅三日雨漏屋使人愁無飯不遑恤有書猶欲修綿延

蜂蠆賊震動大牙州

寇在太平宣徽三州境而
杭嚴池饒之接境皆警

兵甲從今

洗民窮尚可憂

是日祈門水浸縣休寧江
潭等處漂溺二三千人

四月二十九日早起行園

白髮蕭々一秃翁披襟扶杖早涼中偶因不飲全無寐自

笑能詩例得窮梅雨園林江橘綠竹風庭院海榴紅若非

守禦孤城閒誰有幽居似此公

白髮蕭々言老一秃翁言
無版位江橘綠海榴紅一

作吳橘綠
蜀榴紅

本非高詠五月初二日聞祈門縣四月二十七日大水沒

鼓樓蛟龍鬪爭溺死者多休寧縣江潭等處亦

多漂溺

今歲知何處天刑亦慘哉潢池猶未靜冷水復為災民叛
非無說官貪有自來祈門鄭龍闖此禍又誰胎

五月初三日雨寒疾嗽

門外葵花一丈高詎期端午更綿袍佩符豈有玉剛卯批

藥久無金錯刀人老形骸空瘦劣時危心肺倍焦勞柴門
晝掩身多病聽雨寒總首屢搔

五月十一日生朝三首

濁醪兒輩尚能謀且勿驚憂且勿愁不肯前朝我多角

年除監察御史右司牒皆不就可於當世較蠅頭永無紫綬金章夢可與

青鞋布襪休旦夕賊平歲中熟茅柴杯外更何求

本非高蹈掛朝冠自是危途舉足難世上十年人不識山

中五月夜猶寒感風垂死骨骸痛止酒近旬杯杓乾牽牽

親朋致嘉惠時危敢作等閒看

強展愁眉進一杯年々紅熟見楊梅至親阻冠全無信時

貴嫌貧近不來京兆舊遊張敞馬督亢遙望劇辛臺華榮

寂寞手翻覆好在佯狂老萬回予歸自廣南竹坡先生字

故或以萬回戲之

五月二十一夜雨未止六晝夜水漲冠阻無人

入城

晝夜雨滂沱平疇變海河地如隨水去天豈厭人多討叛

猶輸粟攻堅未掩戈積陰凝殺氣去造意如何

五月二十三日甲子交六月節稍晴三四五復

大雨賊寨未下

每日看天色今年厭雨聲重新六甲換喜得一朝晴疲卒

淹窮谷飢民守壞城竹深荷淨處猶憶舊承平

初二日許公度使君來自西坑賊寨見訪

曰予視賊壘兩且二十日山行屢顛仆泥行馬沒膝火攻未可施諸軍既空碧小醜膽氣麓亦有砲與石持榜以招之貸命續糧食彼謂一下山求活豈可得使君廉且慈眉攢咽為塞未必皆克徒費從十有七暴露數月矣武將正憤悒合圍焉肯退但欲事塵擊天意不肯晴詎不念冤抑渠魁謀遁逃所幸已就執焉得遂兩解曲赦與杖拭

六月初七日雨始止初八日始晴

昨夕星初見茲晨霧亦披後聞平賊報先賦喜晴詩 烏

猶如舊新蟬未覺遲皇天已悔禍小醜復奚為

六月十七日十八日大雨聞賊欲降

誰遣青天變滿天人間無復有平田女媧鍊石端何物子產榮龍未必然死徒銜冤終不雪生存忍餓更堪憐腐儒自笑窮今極旬月曾無一醉眠

六月二十二日守陴百姓始下城

本不食官粟亦令登敵樓鳴桴木杪急傳箭夜深愁暗躡蛇纏膝塵搔虱滿頭傳聞賊寨破今日得歸休

六月二十三日立秋喜聞賊平鎮將凱回歸府

官俱還

亂起杏花落賊平梧葉飛頓忘三伏暑竟解萬山圍大將
傷流矢諸軍曳血衣先登不如此焉得凱歌歸

寄題婺源程氏得寓亭

義叟年六十九
子龍乙丑榜

今醉翁遨古醉鄉斯亭有路到羲皇九流人品杯中物萬
卷家書膝上郎山意相迎隨步好花陰獨立滿身香臨風
詩思誰能盡想見津津喜色黃

送歙尉牛實臣

壁

身騎瘦馬着練衣能儉誰云俸入微延禮老儒令子拜束
鈐蠻卒到村稀向來髯漆今成雪此去袍青合換緋為報
鄉鄰索南物錦囊惟有好詩歸

讀史五首

時無孫將軍豫州亦云困之窮而來歸安可泛之應豪傑
不求人所求必豪傑倘遇布衿流事机遂兩失我欲起古
人古人不可起游俠久不聞杜門而已矣

魯連不帝秦千古高其義鄙哉趙平原千金等兒戲不知
高士懷肯受摧虜使反覆折梁人終欲伸其志功成遂長
往不負天下士

淮陰落魄時不免跨下辱英雄大見解不肯死碌碌魚鱉
侮蛟龍鸞鳩嘆鴻鵠千古一蕭何能知玉在璞

美哉張子房剛柔濟其用大索無所得三辱不為動不有

高深懷安荷天下重立寒願已酬覆楚情更痛辟谷從黃
石白雲深處去韓

淵明歸去來歸來有彭澤賴此三徑菊先生遺蓼寂寞投
酬飯且盡杯中物形役久為累披髮弄明月

自遣

靜掩茆廬日半斜酒杯書卷寄年華莫澹淡泊無生意吟
偏寒香無限花

有感

吟殘河水干抹雪淚盡湖山一片雲欲倩梅花藏老骨春
風春雨兩年分

浮舟亭獨坐

萍确蒔私米淺清釣儵魚茲事不在多克儉即有餘悅仰

六十載山城八遷居

予前庚寅四歲歸鄉祖居大街一
叔父上北市居二先人上北市居之

紫陽門外居四東門外居五山脚下六忠節
營前居七最後買宋尚書家空地造居八憶昔罷閩幕

始有此屋廬鞠躬畚瓦礫流汗薶茅苴前後列花菜左右

環圖書誰令厠朝士又駕太守車大兵萃宇宙乘時沸猱

狙鬪掘壞畦逕扶偷夷庑除厨荒敗炊爨室空移貯儲歸

來問鄰舊死徒徒款歎募工淘穢井課僕通污渠旋理短

檠燈復荷長柄鋤倏忽九寒暑出入無驢輿忍貧不肯仕

人謂回也愚今歲事大謬羣賊屠郊墟古樹伐作薪野茹

批為蕪淡金已數月窮乃至此歟筋力既衰劣鬢毛苦凋
疎以今較疇昔有事皆弗如弗如又何嗟不繫天命且柴
荆永日閒地亭秋霽初朝看白雲起暮對丹霞舒獨坐心
自賞是身如空虛
送郭伯川
皓首厖眉話昔遊隙陰倏仰歎如流萬山中遇驅駟轡十
載前同上鶴樓洛水餘氓猶粥飯潢池小醜更戈矛紛
貪吏甚狼虎盍與驅除絕後憂

初涼

餘民脫死初平寇歎歲逢秋亦喜涼止水池邊臨樹影逆
風林下遡花香尚欣鄰壁肯賒酒不管空庖無宿糧已往
可驚未未測延綠聊得撫流光

懷慙

逃生何處可茅庵城市山林抱不堪人莫我知姑用六今
非昔比更緘三摩麟行酒海深深繫鴈傳書天北南數月
兒曹盡飢瘦無能聚叟但懷慙

望南山別峰見奇間煙出知有隱者

南山有別峰石樹相同依不晨偶流目遙見青煙微未知
此林下誰家掩荆扉我亦欲一往結茅紉袵衣秋飯所種
粟春羹自生薇今年四閱月孤城閉賊圍當其新祭絕無

翅何由飛客謂郊閨外似覺事轉非
歲儉剽奪急村荒遊
微稀豺狼方磨牙擇人以自肥
市隱世態惡嚴棲心事遠
四海豈不廣惆悵將焉歸

去萍草

童子携竹器
攜去池中萍
見魚故已佳
水底林巒青
復呼
荷鋤者
雜草汎我庭
蛇蚓無留藏
行徑免露零
剗穢致潔
淨撥翳生晶
熒朗月明
其博古鏡
還精吳語
寂理已會
慮
澹神自冥
白髮一老翁
兀然坐孤亭

下卷未

送黟縣學官江浩歸上饒石湖精舍

小桃源佳飯不足
鶴傳聲趣駕還
細嚼紫陽山色
免

涎猶睨應天山

有感三首

倉皇得郡免朝辭
十六年間老轉癡
一角未堪峩獬豸
二螿敢笑食螭蜺
刊摩于寶搜神記
嘯咏陶潛責子詩
格是
世人無識者
可能更索樹神知

十年歸把釣魚竿
萬變惟憑冷眼看
白髮相尋點鬼簿
紫
金焉得返魂丹
漸驚老舊遺民盡
欲問承平往事難
秋日
未須畏殘暑
浙江潮退即天寒
聞故舊近
多死者

今公古泝醉眉攢
堪轉輿旋老眼寒
晝靜倚楹常獨立
夜
深撫几忽長嘆
閨張運去金刀絕
王謝聲沉玉樹殘
欲泮

筆鋒剗鬼膽生死恨海漫

聞汪翔甫八月十日卒去曹元會五月三日之

報僅三月餘兩翁皆年八十四

甫作詩為兩翁壽豈虞相繼駭予聞八旬已過太公望一
旦俱為冥漠君場屋少時嘗張王兵戈晚歲忽紛紜全天
所賦無遺憾端復真修地下文

悲歌五首

三十年前樂事饒閑身無事暑初銷携琴嶽寺延秋月吹
笛江樓過夜潮自倚豪狂詩句疾豈虞離亂鬢毛凋故人
死盡身猶在交道生涯兩寂寥

更問公裳與幘頭披襟散髮十年秋郭郎鮑老元相張
文殷兄且自由善樂神仙惟有醉筭知天地本無愁奈何
尚欲誅姦鬼曹寒窓筆不休

獨立蕭蕭落葉風閑居已忍十年窮辛猶張藉不終瞎未
必杜微真是聾瑣事可容知較盡塵編敢謂讀皆通骨骸
欲朽心神在未害藏山待至公

夏驚喜愕夢紛紛了了誰能白黑分晝夜星辰常轉換春
秋草木互芳芬姬昌秦政今誰諱呂洞鍾權近不聞氣盡
勢窮終愛滅世間萬事總浮雲

窮竟極詐肆淫貪賔主湖山晝夜酣世事可欺沙武口天

誅難免木綿菴貨財已籍官宜赭腰領猶全首欠函地下
麗華應有語不因玉樹失江南

贈縣星學舒碧雲俊臣今夜民

原夫官賦省題詩何乃甘心改業為場屋久忘塗注乙星
辰開測斗牛箕細看肖貌殊清徹徐翫揮毫亦怪竒聞道
天文修晉志淳風會有立朝時

九月初五日

暮雨蕭蕭、數角風草枯木落鴈橫空每逢九日不勝感垂
近七旬無柰窮螃蟹今年猶未有茅柴我輩亦堪中籬邊
瘦菊青如粟已勝芙蓉萬朶紅

庚寅九月

江湖秋水事茫茫是年大水近縣猶聞有戰場多病多憂欺此
老半醒半醉了重陽見山籬下無人至戲馬臺頭幾客忙
萬事不同時節似感今懷古倍悲涼

美許孝子併序

許公度使君悼亡後亦有疾第三東閣居毋
喪侍父藥餌極勞悴迎公度寓竹所道院當
小暑躬執爨治膳及秋涼父病遂愈府判孔公
美之以詩韻險難廢以意和焉命題曰美許

孝子云

聖善已云遠義方猶此親
須嘗許止藥未老竇即椿竹院
深床穩煙庖垢面塵曾參養
曾哲刺閣舞雩春

孔府判楚耘嘗宦雲南今以餘瘴多病意欲休
官因讀唐書南詔傳為此二詩問其風俗

州人

萬里蠶叢國西南出漏天吐蕃唐徼接越雋漢疆連參井
星躔外岷峨雪界邊祥船元下粵劍棧忽朝燕驃信狂圖
歌宜咩險要鑄稱元更號謂督奕草官聯慰諭開行府咨
諏肅使權貝仍通一覓土尚錫雙田飾齒金兼添充衣卉
與瓊瓜匏冬更實桃杏臘尤妍混壹良堪喜誅求或未悛
霜威才落止輿誦絕驩然歸橐無蠻貨征袍有瘴煙 曾

甘鞅掌由此因沉綿柔遠華風決同文譯史傳願聞談土
俗王會纂周篇

漢代哀牢種瀘南大渡河其都居善闡有水號牂牁
祠諸葛將軍畏伏波石扶碑故在銅作柱難磨古但羈縻
耳今如震懾何一戎平六詔萬旅削三峩跣足遑機弩毡
頭敢荷戈鬼王章駮駟泯國效文螺梵供花優鉢經傳葉
具多異香燃篤耨碩果嗽波羅碧鈿懸珠珥銀鈎摘象馱
深秋如夏熱窮臘亦春和霧毒飛鳶墮風腥巨蟒過已還
生定遠猶類病維摩宦思輕髦梗關心願澗河此鄉非瘴
土何幸小婆娑

丞相大觀文馬公先生廷鸞挽詞三首併跋

四載咸淳相艰哉去國情極知幾事密或遂好謀成董卓
微荀爽陳桓免晏嬰為公翻左漢尚覺寸丹明
病篤辭台席明年遂失衰少容公展布豈遽國危亡此老
為微子吾君類偃王欺孤木綿鬼寸斬亦何傷
天地干戈阻門生合會喪謂傳和相錄有覲陸公疰哀純
辜陶冶危疑去廟廊空懷精衛意無柰海茫茫

晏平仲納邑與政因陳垣子得請免於樂高
之難公之退似之矣然木綿老鬼私以爵祿
餌士大夫入貓鼠劍朝滕暮淵人亦不感其

呼美酒賦新詩剡舟地迥何由往龍驛天遙亦謾思忽憶
立年湖上事金樽銀筆永無期剡舟曰雪龍驛曰梅有所
思欲有所往也然所感有
大于此丙辰年予三十魏靜齋明已為司農寺丞嘉平湖
上泛雪賞梅小姬年可十五六歌罷无咎買陂塘詞樂甚
今席上客及主人俱
死朽久矣獨予僅存再賦倚梅觀雪以前詩太哀故

清莫清我亦壯我茅廬何自致瓊瑰江南勝賞無如雪天
下难题最是梅剪水玉娥能送瑞司花青帝想憐才老臣
詩就天顏喜叩齒當空酌一杯

玉樓仙去老逋坡天下詩人柰爾何茅舍一枝元不少水

村千樹未為多力排殺氣回元造善保陽神養內和暗處
尋香疎認影可容冶思羨凌波和靖東波千樹一枝暗香
疎影之句後無能造者予
以一枝不少千樹不多暗處尋香疎處認
影與西公申明一審五六一聯則自得之

老面臨高不畏風塵裏一夏藥珠宮驟難金碧茅茨別預
喜蝗螟瘴癘空至潔獨凝群物表大和元在極寒中絕冷
詩骨能禁許惟梅稍肖此翁有

十二月二十八日立春次韻王山長俊甫

餘生橄攬護求伸久作屠酖最後人萬事不閑閑處眼三
朝聊喜歲前春草芽地已回生意雪零天應念小民船活

但覺輕歸路不知遠人生常如茲百年亦易遣

歲盡即事三首

久晴忽金瘡作楚曩時真州江上遇大風因
躍入舟為鐵旋軸創其腰骨遇天陰欲作風
雨即先腫後潰而天色始變必欲用金瘡二
字成白而數日不能成聯遍思用事屬對如
歐公玉商自古為身累肉食何人為國謀此
排募帖妥得三詩以見無所用心之一癖云

開門空宇日蕭蕭天地無情鬢轉凋政使面顏成菜色未

應官職愛冰條藏山竹簡光陰短寄隴梅枝信息遠不寐
夜聽聽風雪枯腸殊欠一樽澆

七里灘西更上灘十年生事一漁竿故人共駭霜七短俗
子猶嫌鐵面寒雪屋五更天地獨梅詩一句古今難虛名
浪得真何用空使先生刻肺肝

干戈洶湧一年間酒債何時可盡還盜起屢煽鄰縣火軍
興全赭近城山天陰體倦金瘡痛歲陰家寒藿食艰最苦
梅開厭求索柴扉草舍不容閑

倚梅觀雪

空山浩浩朔風吹蕭颯如蓬兩鬢垂獨倚寒梅看遠雪合

右過岑山渡

溪北曰富登溪南曰富代其西曰澤富富因人所愛民貧
今已極名寔殊不對此村名杏村杏花果安在

右過杏村

昔聞馬糞巷今涉牛矢嶺無牛亦無矢步々入佳境望我
端人居時焉一引頸亦如馬糞邊王謝芳更永

右過牛矢嶺

葉有義謂何根有即葉有登嶺問地名強辨果是否我觀
松柏竹青、黃落後葉有、此葉可以觀此守

右登葉有嶺

斯人近云亡華年八十四登堂拜畫像衣冠昂古製有子
身不死科名今九世焉知三家村乃見萬乘器

右拜敬齋先生曹元會畫像

棄官逃世名居此深谷中谷深夜更深劇談滋無窮照壁
書燈青煨爐茶火紅門外曉鷄鳴天地號霜風

右宿曹清父宅夜話

君子貴淡交不在杯炙間主人苦留客因辭乃得還中道
逢故舊酒肉又如山半醉可以去豈不知時艰

右飯劉子文宅

談笑復談笑竟忘早與晚翩翩凌深波恍惚度層巘醉身

三酌而辭斯遊多有談諧嘲謔樂而忘勞入

城適欲暮矣為詩十二各章八句或可相與

賡和以識一時乘興之適云清父名涇年五

十七清叟名滿年五十三子文名演年六十

一俊甫名國傑年三十八子為方回字萬里

年六十四初七日丙子書于家之浮舟亭

初過城南門即過城下渡豈無小荀與未若且徒步霜重
船板滑水涸岸石露我老人不識小讓樵者路

右過古航渡

歷險極可畏升高且少休嶺水東西分終亦歸同流感獲

相爾汝借竈燃枯想五里一酌酒聊以娛茲遊

右分流嶺

我不上南山垂近四十載山中花飄翁尚與山俱在據高
瞰人世昔田今為海道傍魏公亭柱化礎亦敗

右過南山

七里南山邊更作三里程十里攜推界雙橋酒有聲身老
友朋盡事殊時代更茅店迷處所飲徒眠九京

右過雙橋

金焦大小孤號為天下奇繫此水中岑突兀頗似之千古
幾涿水蛟龍不能移寄言甕牖士守道當如茲

之水中山上有道人庵老樹葱蒨情頗可觀為
詩五行二十里杏村溪南北西有村名曰富
登富代澤富而不見富人猶杏村未必有杏
花也為詩六行二十五里牛屎嶺之得名
不知其故金陵王謝故居在馬糞巷而予將
訪清父乃不免過牛屎嶺乃以王謝馬糞方
之為詩七清父所居地名曰葉有莫詳意義
過一嶺稍穹計行三十里矣亦曰葉有嶺強
為分別以為有根即有葉為詩八行三十五
里至清父宅清父先尊公敬齋先生字元會

鄉邦老儒年八十有四近物故予同俊甫姓
香奠拜几筵高山景行有懷德人曹氏世登
科者九人清父咸淳戊辰進士其一也為詩
九終夜劇譏清父弟清叟與焉予偕俊甫對
榻而清父襍被以來卧語至曉燈火明暗間
不知身世之在斯深谷也為詩十初六日乙
亥清父苦相留力辭得請還至吉林坊去岑
山渡可二里俊甫曰此劉堂錄子文宅也予
下車於外子文適開戶於內驚相視留僕主
飯俱饜飲為詩十一既渡岑山又有留飯者

恩苟慈明潛圖董氏豈特陳靜觀王脩齋留
中齋王厚齋有是心哉顧時機未可耳回學
官數除皆公委曲啟操扼於噬吠不能少效
愚忠而公壬申之病彼老姦怵迫之危懼之
無所不至一去不再起而陳橋之業為葛嶺
所掃矣甲戌乙亥丙子以來書問阻絕第從
人問安否今聞葬又不能赴乃為題此三詞
以寫無窮之哀云門生方回謹跋

上南行十二首併序

何以謂之上南行吾州城南有三路右曰上

南路左曰下南路中曰水南路歲庚寅十二
月初五日甲戌予偕紫陽精舍王博士俊甫
出上南路訪吾友曹清父故曰上南行也平
明出城即渡溪曰古航渡為詩一行五里曰
分流嶺為詩二行七里曰南山許宣平老仙
故居在山上予癸丑從郡守魏公靜齋來遊
今三十八年復過其下魏公所築翠微亭近
亦不存焉詩三舊官榷酒出城十里始飲村
醪雙橋酒稍佳今無復有為詩四行十五里
岑山渡渡傍有一山竝立溪中為休寧縣港

東遊君決計何當同載自由身

辛卯元日三首

六十年前五歲兒夢魂歷萬艰危數聲春雨微中酒絕
好梅花大欠詩老病自應無世味退修焉用要人知十兄
弟行唯身在未可全狂且半癡

迴首同庚五歲孫老夫老矣尚何言一生酒債兼詩債教
畝花園半菜園兩海謂難來賀客馬嘶誰忽過開門條無
驟有真天相徑為茅柴覆瓦樽

十年爭席聽漁樵辨着心情耐寂寥老覺歲華殊易邁愁
嫌日暮似難消縱無詩句題桃板也有春光到柳條何限

貴人近俱死鎮長窮健不逍遙

寄題九華蕪君明甫夢牛亭

錢塘丞志亭記
俞宗大德却作

融下洩天非煙霧金門玉堂嚴陛極上帝高居朝百霧神
人真官儼無教九華種德萱堂仙許傍紅雲聽韶護瓊林
宴罷偃霓旌詔賜麒麟引歸路似牛非牛斯何祥夢覺生
此玉樹即渥洼汗血實非馬洛洞髯珠誰謂年天上真龍
世莫測例晦頭角齟晶光夢中之牛頗類此豈果啾芻甘
服箱忠臣事君比螻蟻慈父愛子號豚犬鳩雉夫婦馮兄
弟托物取象竟微婉再耕伯牛司馬牛大賢名字何赫烜
得非此母奇此兒他年負重能致遠繡與羽衛歸蓬萊奇

處魂堪宋王招六十五翁來日短百千萬事迅風飄平生

知己驚俱盡一影窮山伴寂寥

清曉林禽百種鳴春寒漸暖變新聲向陽死草青先茁解

凍枯池綠再生太子四門何足怪麻姑三海自堪驚迴頭

最念兒童輩不識燈宵舊太平

麻姑謂王遠曰接待以
來見東海三為桑田

性癖耽吟本不工平生竟復坐詩窮狀頭浪說三千字舉

手行為七十翁夜永自憐燈是伴春寒最苦酒難中王侯

螻蟻終同盡便出陽神也落空

予昔廷試初取為首舉
手謂五指為五歲也

知舊驚嗟踵喪亡劣容此老據藜床六旬有五猶窮健百

拙無雙但醉狂蒔菜連畦終歲飽種梅匝屋滿家香不須

苦怨春寒惡，稍拙爐邊味最長。

上元再題

殘梅萬點路傍雪，桃露一班稍上紅。惆悵六菴山已去了，無情緒答春風。

送紫陽王山長俊甫如武林五首 國傑

乾淳以後學無節，嘉紹厭人士氣衰。何等淫辭南嶽藁，不祥妖讖晚唐詩。三風盍遣鄭聲放，一日忽驚周鼎移。歐九

登庸柳七棄昭陵，曾築太平基。乾淳以後葉水心倡率四

之宋此時未為晚在今日觀之乃晚宋詩也此

詩識之大不祥者其老故尋風水僧詩大鄙俗紛肉食笑儒冠，賴有吾徒耐歲寒。心遠要期來哲共，眼

微異兆猶昭。回作亭大刻，夢牛記銀黃。上冢兼榮哀，函閨

道士駕西邁。萬歲樹精焉在哉，邂逅便當知。止足拽轉鼻頭歸去來。

寄仇仁近白廷玉張仲實京口當塗江陰三學

正兼述新歲陰雨春寒有懷

同時糾正諸侯學，錯脚相鄰絕鉅邦。足可養廉三斛米，未妨溫故一燈窗。有人北面求宗旨，無事東流送大江。向道紫陽山色好，何為不肯泝溪隴。

六十五春寒吟七首

白日春寒晝掩扉，驚嗟六十五年非。未為白傅同州起，猶

勝坡翁海外歸斗分軍興群盜作浙鄉水患細民飢忍窮
苟活猶聞管痛惜殘梅萬點飛白樂天六十五同州刺史
不赴封馮翊縣侯自此分
司告老東坡六十五元
符庚辰自僱耳北歸

當是平生取數多窮途無力戰群魔二十石濫知州事三
十年羞進士科人老決難重少壯春寒畢竟漸晴和籌來
筭往終無益且傍殘梅作醉歌

老眼閑中子細看天公作劇故多端雪占歲稔何曾稔雨
作春寒折是寒酒盡悶多歡笑少花開折易長成難暮年
不喜金仙說到此心才悟六觀

病骨春寒欠酒澆閑山滿眼鴈程遙有人恨過江淹賦何

高不受俗書瞞樽前笑語窺曾次燈下工天見筆端好向
故都求益友歸時敢作去時看

戰聲征騎洩人寰此道煙昏霧晦間萬世難磨朱氏學一
官來管紫陽山窮冬碩果何曾食滄海明珠不再還能作
春霞起幽壑終身我亦卷瓢顏

儒風掃地久堪哀誰與前朝養禍胎真魏無年喬鄭壽杜
游不作董丁來游竟葛嶺人方醉轉眄陳橋業遷仄賴是

紫陽書尚在不隨遷鼎委蒿萊真西山魏鶴山下壽而喬

六再相五年天下大壞其死也將再相將再相游果山

似而亦死於是董宋臣丁大全用事以訖似道
錢塘湖上試經過便似奉淮玉樹歌突兀樓臺新佛刹依

掃燈火舊沙河士皆戎服駢鞍馬女尚宮粧拂黛蛾我欲
同君理輕棹蕪堤呼酒酌東坡

寄趙履場二首

秀亭山下舊吾廬十二年鄰長者居近別復經三換曆相
疎不寄一行書諸郎已了婚姻未所至堪憐盜賊餘老我
種瓜生事拙想君更苦食無魚

才疎意廣道難行深入窮山隱姓名自分一瓢終陋巷誰
知五馬昔專城去年是慶興兵甲此老無人問死生忽憶
枉微吟七十寄聲聊見不忘情

虛谷桐江續集卷二十二終

乘之機如何下得恁地好朱先生徵笈某舊嘗深喜此語
筆之於冊孰事所學至此精矣所引邵子太極者已見氣
也太極道之極也太玄道之玄也太素色之本也太一數
之始也太初事之初也此似為列莊子解說恐近乎贅只
太極道之極也一句不可棄太極者已見氣也七字尚可
疑如周子所謂物與神物者已定形之謂神者常居形之
先張子所謂一與兩一即是理兩即是氣蓋有已定之動
靜有可見之動靜而斷定不可見者乃動靜之根也其不
同如此至如朱子言動靜無端引蔡氏語動而生陽以上
更不容言此于字尤精論陰陽而求其端於動之前論天

地而求其所以然於天之外此皆不容言也末引朱子語
衆人常失之於動聖人常本之於靜即是第三論動靜之意
其三曰動靜者舉一歲之流行者觀之而見其根于靜偏
言之也有十月之坤而後有十一月之復然坤非無陽天
之生意未嘗絕也十月薺麥蒜生早梅水仙花發萬木葉
落一葉之本各有一芽枯而非死此乃元貫四德貞中有
元春貫四時冬內有春第風霜之凜冽者在外萬物於茲
歸根復命以避肅殺龍蛇蟪蛄蚋虻燕鶯以蟄全
生則暖在土中井泉不凍則陽在地底雖靜極而未嘗無
所為也外若無而內實有也王輔嗣曰若天地以有為心

程